

# বীরাঙ্গনা কাব্য


মাইকেল মধুসূদন দত্ত

[ ১৮৬২ খ্রীষ্টাব্দে প্রথম প্রকাশিত ]



সম্পাদক :

শ্রীব্রজেন্দ্রনাথ বন্দ্যোপাধ্যায়  
শ্রীসজনীকান্ত দাস



বঙ্গীয়া-সাহিত্য-পরিষৎ

২৪৩১, আপার সারকুলার রোড

কলিকাতা

প্রকাশক  
শ্রীরামকমল সিংহ  
বঙ্গীয়-সাহিত্য-পরিষৎ

পৌষ, ১৩৪৭

মূল্য এক টাকা

মুদ্রাকর—শ্রীসৌরীন্দ্রনাথ দাস  
শনিরঞ্জন প্রেস, ২৫১২ মোহনবাগান রো, কলিকাতা  
৩২—২১১২১২৪০

## ভূমিকা

‘তিলোত্তমাসম্ভব কাব্যে’র পর ‘মেঘনাদবধ কাব্য’ নয় সর্গ রচনা করিয়াও অমিত্রাক্ষর ছন্দ সম্বন্ধে মধুসূদনের শেষ কথা বলা হয় নাই; অর্থাৎ ভাষার গাভীর্য্য, যতি ও ছন্দের বৈচিত্র্যের দিক্ দিয়া যে আরও পরিণতির অবকাশ ছিল, মধুসূদনের মনে সেই বিশ্বাস ছিল। এই বিশ্বাসের বশবর্তী হইয়া তিনি “সিংহল-বিজয়” নামক কাব্য রচনায় হাত দিয়াছিলেন। সম্ভবতঃ উক্ত “narrative” বা “আখ্যান-বর্ণনামূলক” কাব্যে অমিত্রছন্দের পরিণতি প্রদর্শনের সুযোগ না পাইয়াই মধুসূদন তাহা পরিত্যাগ করিয়াছিলেন। ইহার জন্ম “dramatic” বা “নাটকীয়” বিষয়বস্তুর প্রয়োজন মধুসূদন অনুভব করিয়াছিলেন। ইতালীয় কাব্য-সমুদ্রে অবগাহনের কালে তিনি কবি ওভিদ (Publius Ovidius Naso—43 B. C.—17 A. D.) প্রণীত *Heroides* কাব্যের সহিত পরিচিত হইয়াছিলেন; ওভিদ এই কাব্যে পুরাণ-কাহিনীর নায়িকাদের সম্পূর্ণ নৃতন এবং রোমান্টিক মূর্তিতে সজ্জিত করিয়াছিলেন। পত্রাকারে নায়িকাদের চিত্ত-উদঘাটনের এই কৌশল পরে রোমান কবিদের মধ্যে কেহ কেহ এবং ইংলণ্ডেও ছুই একজন কবি (যেমন পোপ) অবলম্বন করেন। মধুসূদন আপন উদ্দেশ্য সিদ্ধির পক্ষে এই পদ্ধতিকেই সবিশেষ উপযোগী জ্ঞান করিয়া ‘বীরাজনা কাব্য’ রচনা করেন।

১৮৬১ খ্রীষ্টাব্দের ২৯ আগস্ট তারিখে খিদিরপুর হইতে বঙ্কু রাজনারায়ণ বসুকে মধুসূদন যে পত্র লেখেন, তাহা হইতে বুঝা যায়, ‘মেঘনাদবধ কাব্য’ রচনা শেষ হইবার পর রাজনারায়ণই মধুসূদনকে সিংহল-বিজয়ের উপর আর একটি কাব্য লিখিতে অনুরোধ করেন। মধুসূদন সেই সম্পর্কে এই পত্রে লিখিতেছেন—

Jobindra proposes the battles of the Kaurava and Pandub princes; another friend, the abduction of Usha (উষাহরণ). Now I am for your সিংহলবিজয়; but I have forgotten the story

and do not know in what work to find it ; kindly enlighten me on the subject.

[ যতীন্দ্রের ইচ্ছা আমি কোঁরব ও পাণ্ডব বাজপুত্রদেব যুদ্ধ লইয়া লিখি ; অল্প একজন বন্ধু উষাহরণ লিখিতে বলিতেছেন । কিন্তু আমি তোমাব সিংহল-বিজয়ের পক্ষে । তবে গল্পটি আমি ভুলিয়া গিয়াছি । জানি না কোন্ বইয়ে তাহা পাওয়া যাইবে, দয়া করিয়া আমাকে এই বিষয়ে জানাও । ]

ইহারই অব্যবহিত পরের একটি তারিখহীন চিঠিতে মধুসূদন রাজনারায়ণকে লিখিতেছেন :

I have only written 20 or 30 lines of the new Epic [ সিংহল-বিজয় ]. In fact, I have laid it by,—for a time only, I hope. But within the last few weeks, I have been scribbling a thing to be called ‘বীরাঙ্গনা’ i. e. Heroic Epistles from the most noted Puranic women to their lovers or lords. There are to be twenty-one Epistles, and I have finished eleven. These are being printed off, for I have no time to finish the remainder. Jotindra Mohan Tagore, my printer Issur Chunder Bose, and one or two other friends, are half-mad. But you must judge for yourself. The first series contain (1) Sacuntala to Dushmanta (2) Tara to Shome (3) Rukmini to Dwarkanath (4) Kakayee to Dasarath (5) Surpanakha to Lakshman (6) Droupadi to Arjuna (7) Bhanumati to Durjodhana (8) Duhsala to Jayadratha (9) Jana to Niladhwaaja (10) Jahnavi to Santanu and (11) Urbasi to Pururavas ; a goodly list, my friend.

[ নূতন মহাকাব্যের মাত্র ২০।৩০ পংক্তি লেখা হইয়াছে । আসলে, ইহা স্তম্ভিত বাখিয়াছি ; আশা কবি কিছুকাল পবে আবার ধরিতে পারিব । কিন্তু গত কয়েক সপ্তাহের মধ্যে ‘বীরাঙ্গনা’ নামে একটি বন্দ কলমেব আঁচড়ে খাড়া করিয়াছি ; প্রসিদ্ধ পৌরাণিক নারীবীরা তাঁহাদের প্রণয়ী অথবা পতিদেব নিকট নায়িকার উপযুক্ত লিপি লিখিতেছেন—ইহাই ‘বীরাঙ্গনা’ । সব স্তম্ভ একুশটি লিপি হইবাব কথা ; আমি এগারটি সম্পূর্ণ করিয়াছি । সবগুলি শেষ করিতে দেয়ি হইবে বলিয়া এই এগাবটিই ছাপা হইতেছে । যতীন্দ্রমোহন ঠাকুর, আমার প্রকাশক ঈশ্বচন্দ্র বন্দ ও অন্তান্ত দুই একজন বন্ধু এগুলি পড়িয়া প্রায় স্কেপিয়া গিয়াছেন । তুমি কিন্তু নিজের বুদ্ধিতে বিচার করিবে । যে কটি লেখা হইয়াছে তাহাব তালিকা এই ( ১ ) দুঃস্বপ্নের প্রতি শকুন্তলা ( ২ ) সোমের প্রতি তারা ( ৩ ) দ্বারকানাথের প্রতি রুক্মিণী ( ৪ ) দশরথের প্রতি কেকয়ী ( ৫ ) লক্ষণের

প্রতি স্বর্ণপথা (৬) অর্জুনের প্রতি দ্রৌপদী (৭) হৃষ্যোধনের প্রতি ভানুমতী  
(৮) জয়দ্রথের প্রতি দুঃশলা (৯) নীলধ্বজের প্রতি জনা (১০) শাস্ত্রনুব প্রক্তি জারুবা  
(১১) পুরুবাব প্রক্তি উরুশী ; তালিকা নেগাং ছোট নয়—কি বল ? ]

এই এগারটি পত্রই 'বীরাজনা কাব্য'।

দুঃখের বিষয়, মধুসূদনের আশা আর পূর্ণ হয় নাই—স্বগিত লেখা তিনি আর ধরিতে পারেন নাই। উপরে উল্লিখিত পত্রের এক স্থলে তিনি যে সন্দেহ প্রকাশ করিয়াছিলেন, “আমার কাব্যজীবন শেষ হইয়া আসিতেছে” (“my poetical career is drawing to a close”) তাহাই সত্যে পরিণত হইয়াছিল। ‘চতুর্দশপদী’র বিচ্ছিন্ন সনেটগুলি লেখা ছাড়া তিনি আর বিশেষ কবিকর্মে আত্মনিয়োগ করেন নাই।

পরবর্তী পত্রে রাজনারায়ণকে মধুসূদন সঙ্গপ্রকাশিত ‘বীরাজনা কাব্য’ সম্বন্ধে লিখিয়াছিলেন—

The new poem is just out, and I have ordered a copy to be forwarded to you. You must oblige me by letting me know what you think of it, at your earliest convenience, for I prefer your opinion to that of many others on the subject of poetry....

The poem, you will find, has not been concluded yet—one half of it remains to be written. I don't know when I shall finish it. Perhaps, it will take me months ; perhaps a few weeks. But give me your candid opinion of what has already been achieved, old fellow ! I have dedicated the work to our good friend the Vidyasagar. He is a splendid fellow ! I assure you. I look upon him in many respects as the first man among us....

[ নূতন কাব্যটি সঙ্গ বাহিব হইয়াছে, তোমাকে একখণ্ড পাঠাইবাব জগ্ন বলিয়াছি। যত শীঘ্র সম্ভব, ইহাব সম্বন্ধে তোমাব মতামত জানাইয়া আমাকে বাধিত কবিবে, কারণ কবিতা-বিষয়ে অনেকের অপেক্ষা তোমার মতকেই আমি শ্রদ্ধা করিয়া থাকি। ]

দেখিবে, কাব্যটি এখনও সম্পূর্ণ হয় নাই—অর্দ্ধেক বাকি আছে। জানি না, কখন শেষ করিতে পারিব। হয়ত অনেক মাস লাগিবে, হয়ত বা দুই চাব সপ্তাহেই শেষ হইবে। কিন্তু ইতিমধ্যেই বাহা করিয়াছি, সে সম্বন্ধে তোমাব খোলসা মতামত দাও। আমাদের শুভানুধ্যায়ী 'বন্ধু বিভাগসাগরের নামে বইটি উৎসর্গ করিয়াছি। বিশ্বাস কর,

এমন চমৎকার মাহুয হয় না। অনেক দিক দিয়া তাঁহাকেই আমি আমাদের মধ্যে শ্রেষ্ঠ মাহুয বলিয়া মনে কবি।...

‘বীরাঙ্গনা কাব্য’ ১৮৬১ খ্রীষ্টাব্দে রচিত ও ১৮৬২ খ্রীষ্টাব্দের গোড়ায় প্রকাশিত হয়, পৃষ্ঠা-সংখ্যা ছিল ৭০। প্রথম সংস্করণের আখ্যাপত্র এইরূপ :—

বীরাঙ্গনা কাব্য ।। শ্রীমাইকেল মধুসূদন দত্ত / প্রণীত ।। “লেখাপ্রস্থাপনৈঃ—  
—নাথ্যা ভাবাভিব্যক্তিবিস্যতে ।।” / সাহিত্যদর্পণং ।। কলিকাতা ।। শ্রীযুত ঈশ্বরচন্দ্র বসু  
কোং বহুবাজারস্থ ১৮২ সংখ্যক ভবনে ষ্ট্যানহোপ্ যন্ত্রে যন্ত্রিত ।। সন ১২৬৮ সাল ।।

দ্বিতীয় সংস্করণ ( পৃ. ৭৬ ) ১২৭৩ সালে এবং তৃতীয় সংস্করণ (পৃ. ৭৬) ১২৭৫ সালে [ ১৫ জানুয়ারি ১৮৬৯ ] প্রকাশিত হয়। তৃতীয় সংস্করণ হইতেই ‘সাহিত্যদর্পণে’র উদ্ধৃতিটি তুলিয়া দেওয়া হয়।

রাজনারায়ণ বসুর নিকট লিখিত পূর্বোদ্ধৃত পত্রগুলি যখন লিখিত হয়, সেই সময়ে ‘বীরাঙ্গনা কাব্য’ সম্পূর্ণ করিবার বাসনা যে মধুসূদনের ছিল, তাহার অল্প প্রমাণ আছে। তাঁহার ১৮৬২ খ্রীষ্টাব্দের ৪ঠা ফেব্রুয়ারি তারিখের স্মারক-লিপিতে আছে :—

It is my intention, God willing, to finish this poem [ ‘বীরাঙ্গনা কাব্য’ ] in XXI Books. But I must print the XI already finished. The proceeds of the sale of the 1st part must defray the expenses of printing the second. “Born an age too soon”—a time will come when these works of mine will fill the pockets of printers, book-sellers, painters *et hoc genus omne* and now I am obliged to “shell out.”

[ ভগবান্ বিরূপ না হইলে এই কাব্যটি একুশ সর্গে সম্পূর্ণ করিব, এইরূপই ইচ্ছা আছে। যে এগারখানি ইতিমধ্যেই শেষ হইয়াছে, সেগুলি আগেই ছাপাইব। প্রথম খণ্ডের বিক্রয়লাভ অর্থ হইতে দ্বিতীয় খণ্ডের ছাপার খরচ চলিবে। আমি আমাব যুগেব পূর্বে জন্মগ্রহণ কবিয়াছি—সময় আসিবে যখন আমার এই সকল বইয়ের দ্বারা মুদ্রাকর, পুস্তকবিক্রেতা, চিত্রকর এবং ঐ জাতীয় সকলেব পকেট পূর্ণ হইবে, কিন্তু আমার এখন শূন্য পকেট। ]

“জনা-পত্রিকা” সমাপনান্তে এই স্মারক-লিপিতেই তিনি লিখিয়া-  
ছিলেন :—

The epistle of poor জনা must be revised and printed along with the second set. I am very unpoetical just now.

[ জনা বেচাবীব পত্রটিব সংশোধন আবশ্যক ; ইহা দ্বিতীয় খণ্ডে মুদ্রিত হইবে ।  
আমার মনে এখন বিন্দুমাত্র কাব্যরস নাই । ]

কিন্তু দেখা যাইতেছে, শেষ পর্য্যন্ত “জনা-পত্রিকা” প্রথম খণ্ডেই স্থান পাইয়াছে । সম্ভবতঃ মধুসূদন ইহার সংস্কার সাধন করিয়াছিলেন ।

যোগীন্দ্রনাথ বসু ‘মাইকেল মধুসূদন দত্তের জীবন-চরিত’ পুস্তকে ( ৩য় সং., পৃ. ৫১২ ) লিখিয়াছেন—

ওভিদের পত্রাবলাব স্থায় বীরাঙ্গনাও একবিংশতি সর্গে সম্পূর্ণ কবিবাব জন্ম মধুসূদনেব ইচ্ছা ছিল । সমালোচিত একাদশখানি পত্রিকা ব্যতীত আবও পাচখানি পত্রিকা তিনি আবন্ত কবিয়াছিলেন, কিন্তু সম্পূর্ণ কবিয়া যাইতে পাবেন নাই ।

এই পাঁচটি অসম্পূর্ণ পত্রিকা যোগীন্দ্রবাবু মুদ্রিত করিয়াছেন (পৃ. ৫১২-১৬) । আমরা বর্তমান সংস্করণের পরিশিষ্ট-অংশে তাহা পুনর্মুদ্রিত করিলাম ।

‘মধু-স্মৃতি’-প্রণেতা নগেন্দ্রনাথ সোম তাঁহার পুস্তকের ৩৩১ পৃষ্ঠায় ছয়খানি অসম্পূর্ণ পত্রিকার উল্লেখ করিয়াছেন । ৬ নং পত্রিকা “ভীমের প্রতি দ্রৌপদী”র উল্লেখ অন্তত্ৰ পাওয়া যায় না । এই অসম্পূর্ণ কবিতাটি নগেন্দ্রবাবু প্রকাশ করেন নাই ।





# বীরাজনা কাব্য

[ ১৮৬৯ খ্রীষ্টাব্দে প্রকাশিত তৃতীয় সংস্করণ হইতে ]

# মঙ্গলাচরণ

বঙ্গকুলচূড়

শ্রীযুক্ত ঈশ্বরচন্দ্র বিদ্যাসাগর মহোদয়ের

চিরস্মরণীয় নাম

এই অভিনব কাব্যশিরে শিরোমণিরূপে

স্থাপিত করিয়া,

কাব্যকার

ইহা

উক্ত মহানুভবের নিকট

যথোচিত সম্মানের সহিত

উৎসর্গ করিল।

ইতি।

১২৬৮ সাল। ১৬ই ফাল্গুন।

# বীরাজনা কাব্য

## প্রথম সর্গ

### দুঃস্বপ্নের প্রতি শকুন্তলা

[ শকুন্তলা বিশ্বামিত্রের ঔবসে ও মেনকানায়ী অপ্সরার গর্ভে জন্মগ্রহণ কবিয়া, জনক জননী কর্তৃক শৈশবাবস্থায় পরিত্যক্ত হওয়াতে, কথমুনি তাঁহাকে প্রতিপালন করেন। একদা মুনিবরের অল্পপস্থিতিতে রাজা দুঃস্বপ্ন মুগয়া-প্রসঙ্গে তাঁহার আশ্রমে প্রবেশ কবিলে, শকুন্তলা রাজ-অতিথির যথাবিধি অতিথিসংকাব সম্পন্ন করিয়াছিলেন। রাজা দুঃস্বপ্ন, শকুন্তলাব অসাধারণ রূপলাবণ্যে বিমোহিত হইয়া, এবং তিনি যে ক্ষত্রকুলোদ্ভবা, এই কথা শুনিয়া, তাঁহার প্রতি প্রেয়াসক্ত হন। পরে রাজা তাঁহাকে গুপ্তভাবে গান্ধর্ববিধানে পবিত্র কবিয়া স্বদেশে প্রত্য্যাগমন করেন। রাজা দুঃস্বপ্ন, স্বরাজ্যে গমনানন্তর, শকুন্তলার কোন তত্ত্বাবধান না কবাতে, শকুন্তলা বাহুসমীপে এই নিম্নলিখিত পত্রিকাখানি প্রেরণ করিয়াছিলেন। ]

বন-নিবাসিনী দাসী নমে রাজপদে,  
রাজেন্দ্র ! যদিও তুমি ভুলিয়াছ তারে,  
ভুলিতে তোমারে কভু পারে কি অভাগী ?  
হায়, আশামদে মত্ত আমি পাগলিনী !  
হেরি যদি ধূলারাশি, হে নাথ, আকাশে ;  
পবন-স্বনন যদি শুনি দূর বনে ;  
অমনি চমকি ভাবি,—মদকল করী,  
বিবিধ রতন অঙ্গে, পশিছে আশ্রমে,  
পদাতিক, বাজীরাজী, সুরথ, সারথি,  
কিঙ্কর, কিঙ্করী সহ ! আশার ছলনে,  
প্রিয়স্বপ্না, অনসূয়া, ডাকি সখীস্বয়ে ;

৫

১০

কহি—‘হাদে দেখ্, সহি, এত দিনে আজি  
 স্মরিলো লো প্রাণেশ্বর এ তাঁর দাসীরে ।  
 ওই দেখ্, ধূলারাশি উঠিছে গগনে ।  
 ওই শোন্ কোলাহল । পুরবাসী যত ১৫  
 আসিছে লইতে মোরে নাথের আদেশে !’  
 নীরবে ধরিয়৷ গলা কাঁদে প্রিয়স্বদা ;  
 কাঁদে অনসূয়া সহি বিলাপি বিষাদে ।

ক্রতগতি ধাই আমি সে নিকুঞ্জ-বনে,  
 যথায়, হে মহীনাথ, পুঞ্জিনু প্রথমে ২০  
 পদযুগ ; চারি দিকে চাহি ব্যগ্রভাবে ।  
 দেখি প্রফুল্লিত ফুল, মুকুলিত লতা ;  
 শুনি কোকিলের গীত, অলির গুঞ্জর,  
 শ্রোতোনাদ ; মরমরে পাতাকুল নাচি ;  
 কুহরে কপোত, সুখে বৃক্ষশাখে বসি, ২৫  
 প্রেমালাপে কপোতীর মুখে মুখ দিয়া ।  
 সুধি গঞ্জি ফুলপুঞ্জ ;—‘রে নিকুঞ্জশোভা,  
 কি সাধে হাসিস্ তোরা ? কেন সমীরণে  
 বিতরিস্ আজি হেথা পরিমল-সুধা ?’  
 কহি পিকে,—‘কেন তুমি, পিককুল-পতি, ৩০  
 এ স্বরলহরী আজি বরিষ এ বনে ?  
 কে করে আনন্দধ্বনি নিরানন্দ কালে ?  
 মদনের দাস মধু ; মধুর অধীনে  
 তুমি ; সে মদন মোহে যাঁর রূপ গুণে,  
 কি সুখে গাও হে তুমি তাঁহার বিরহে ?’ ৩৫  
 অলির গুঞ্জর শুনি ভাবি—মৃচ্ স্বরে  
 কাঁদিছেন বনদেবী হৃঃখিনীর হৃঃখে !  
 শুনি শ্রোতোনাদ ভাবি—গম্ভীর নিবাদে

নিন্দিছেন বনদেব তোমায়, নৃমণি,—  
 কাঁপি ভয়ে—পাছে তিনি শাপ দেন রোষে ।  
 কহি পত্রে,—‘শোন, পত্র ;—সরস দেখিলে  
 তোরে, সমীরণ আসি নাচে তোরে লয়ে  
 প্রেমামোদে ; কিন্তু যবে শুখাইস্ কালে  
 তুই, ঘৃণা করি তোরে তাড়ায় সে দূরে ;—  
 তেমতি দাসীরে কি রে ত্যজিলা নৃপতি ?’

৪০

৪৫

মুদি পোড়া আঁখি বসি রসালের তলে ;  
 ভ্রাস্তিমদে মাতি ভাবি পাইব সহরে  
 পাদপদ্ম ! কাঁপে হিয়া ছুরুছুরু করি  
 শুনি যদি পদশব্দ ! উল্লাসে উন্মীলি  
 নয়ন, বিষাদে কাঁদি হেরি কুরঙ্গীরে !  
 গালি দিয়া দূর ভারে করি করাঘাতে !  
 ডাকি উচ্ছে অলিরাঞ্জে ; কহি,—‘ফুলসখে  
 শিলীমুখ, আসি তুমি আক্রম গুঞ্জরি  
 এ পোড়া অধর পুনঃ ! রক্ষিতে দাসীরে  
 সহসা দিবেন দেখা পুরু-কুল-নিধি !’  
 কিন্তু বৃথা ডাকি, কাস্ত । কি লোভে ধাইবে  
 আর মধুলোভী অলি এ মুখ নিরখি,—  
 শুখাইলে ফুল, কবে কে আদরে তারে ?

৫০

৫৫

কাঁদিয়া প্রবেশি, প্রভু, সে লতামণ্ডপে,  
 যথায়—ভাবিয়া দেখ, পড়ে যদি মনে,  
 নরেন্দ্র ; যথায় বসি, প্রেমকুতূহলে,  
 লিখিল কমলদলে গীতিকা অভাগী ;—  
 যথায় সহসা তুমি প্রবেশি, জুড়ালে  
 বিষম বিরহজ্বালা ! পদ্মপর্ণ নিয়া  
 কত ষে কি লিখি নিত্য কব তা কেমনে ?

৬০

৬৫

কভু প্রভঞ্নে কহি কৃতাজ্জলি-পুটে ;—  
 ‘উড়ায়ে লেখন মোর, বায়ুকুলরাজা,  
 ফেল রাজ-পদ-তলে যথা রাজালায়ে  
 বিরাজেন রাজাসনে রাজকুলমণি !’

সম্বোধি কুরঙ্গে কভু কহি শৃগ্মনে ;—

৭০

‘মনোরথ-গতি তোরে দিয়াছেন বিধি,  
 ... ! লেখন লয়ে, যা চলি সত্বরে  
 যথায় জীবিতনাথ ! হায়, মরি আমি  
 বিরহে ! শৈশবে তোরে পালিলু যতনে ;  
 বাঁচা রে এ পোড়া প্রাণ আজি কৃপা করি !’

৭৫

আর যে কি কই পারে, কি কাজ কহিয়া,  
 নরেশ্বর ? ভাবি দেখ, পড়ে যদি মনে,  
 অনসূয়া প্রিয়ম্বদা সখীদ্বয় বিনা,  
 নাহি জন জানে, হায়, এ বিজন বনে  
 অভাগীর দুঃখ-কথা ! এ দুজন যদি  
 আসে কাছে, মুছি আঁখি অমনি ; কেন না  
 বিবশা দেখিলে মোরে রোষে ঋষিবালা,  
 নিন্দে তোমা, হে নরেন্দ্র, মন্দ কথা কয়ে !—  
 বজ্রসম অপবাদ বাজে পোড়া বৃকে !

৮০

ফাটি অন্তরিত রাগে—বাক্য নাহি ফোটে !

৮৫

আর আর স্থল যত,—কাঁদিয়া কাঁদিয়া  
 ভ্রমি সে সকল স্থলে ! যে তরুর মূলে  
 গাঙ্করবিবাহচ্ছলে ছলিলে দাসীরে,  
 যে নিকুঞ্জে ফুলশয্যা সাজাইয়া সাধে  
 সেবিল চরণ দাসী কানন-বাসরে,—  
 কি ভাব উদয়ে মনে, দেখ মনে ভাবি,  
 ধীমান্, যখন পশি সে নিকুঞ্জ-ধামে!—

৯০

হে বিধাতঃ, এই কি রে ছিল তোর মনে ?

এই কি রে ফলে ফল প্রেমতরু-শাখে ?

এইরূপে ভ্রমি নিত্য আমি অনাথিনী, ৯৫

প্রাণনাথ ! ভাগো বৃদ্ধা গৌতমী তাপসী

পিতৃহ্রস্বা,—মনঃ তাঁর রত তপজপে ;

তা না হলে, সর্বনাশ অবশ্য হইত

এত দিনে ! নাহি সাধ বাঁধিতে কবরী

ফুলরত্নে আর, দেব ! মলিন বাকলে ১০০

আবরি মলিন দেহ ; নাহি অগ্নে রুচি ;

না জানি কি কহি কারে, হায়, শূন্যমনে !

বিষাদে নিশ্বাস ছাড়ি, পড়ি ভূমিতলে,

হারাই সতত জ্ঞান ; চেতন পাইয়া

মিলি যবে আঁখি, দেখি তোমায় সম্মুখে ! ১০৫

অমনি পসারি বাছু ধাই ধরিবারে

পদযুগ ; না পাইয়া কাঁদি হাহারবে !

কে কবে, কি পাপে সহি হেন বিড়ম্বনা !

কি পাপে পীড়েন বিধি, সুধিব তা কারে ?

দয়া করি কভু যদি বিরামদায়িনী ১১০

নিজা, সুকোমল কোলে, দেন স্থান মোরে,

কত যে স্বপনে দেখি, কব তা কেমনে ?

স্বর্ণ-রত্ন-সংঘটিত দেখি অট্টালিকা ;

দ্বিরদ-রদ-নির্মিত ছয়ারে ছয়ারী

দ্বিরদ ; সুবর্ণাসন দেখি স্থানে স্থানে ; ১১৫

ফুলশয্যা ; বিছাধরী-গঞ্জিনী কিঙ্করী ;

কেহ গায়, কেহ নাচে ; যোগায় আনিয়া

বিবিধ ভূষণ কেহ ; কেহ উপাদেয়

রাজভোগ । দেখি মুক্তা মণি রাশি রাশি,

## মধুসূদন-গ্রন্থাবলী

- অলকা-সদনে যেন ! শুনি বীণা-ধ্বনি ; ১২০  
গঙ্গামোদে মাতে মনঃ, নন্দন-কাননে—  
( শুনেছি এ কথা, নাথ, তাত কথমুখে )  
নন্দন-কাননান্তরে বসন্তে যেমনি !  
তোমায়, নৃমণি, দেখি স্বর্ণসিংহাসনে !  
শিরোপরি রাজছত্র ; রাজদণ্ড হাতে, ১২৫  
মণ্ডিত অমূল-রত্নে ; সসাগরা ধরা,  
রাজকর করে, নত রাজীব-চরণে !  
কত যে জাগিয়া কাঁদি কব তা কাহারে ?  
জানে দাসী, হে নরেন্দ্র, দেবেন্দ্র-সদৃশ  
ঐশ্বর্য্য, মহিমা তব ; অতুল জগতে ১৩০  
কুল মান ধনে তুমি, রাজকুলপতি !  
কিন্তু নাহি লোভে দাসী বিভব ! সেবিবে  
দাসীভাবে পা ছুখানি—এই লোভ মনে,—  
এ চির-আশা, নাথ, এ পোড়া হৃদয়ে !  
বন-নিবাসিনী আমি, বাকল-বসনা, ১৩৫  
ফলমূলহারী নিত্য, নিত্য কুশাসনে  
শয়ন ; কি কাজ, প্রভু, রাজসুখ-ভোগে ?  
আকাশে করেন কেলি লয়ে কলাধরে  
রোহিণী ; কুমুদী তাঁরে পূজে মর্ত্যতলে !  
কিঙ্করী করিয়া মোরে রাখ রাজপদে । ১৪০  
চির-অভাগিনী আমি । জনক জননী  
ত্যজিলা শৈশবে মোরে, না জানি, কি পাপে ?  
পরানে বাঁচিল প্রাণ—পরের পালনে !  
এ নব যৌবনে এবে ত্যজিলা কি তুমি,  
প্রাণপতি ? কোন্ দোষে, কহ, কাস্ত, শুনি, ১৪৫  
দাসী শকুন্তলা দোষী ও চরণ-যুগে ?



এ মনে যে সুখ-পাখী ছিল বাসা বাঁধি,  
 কেন ব্যাধবেশে আসি বধিলে তাহারে,  
 নরাধিপ ? শুনিয়াছি রথীশ্রেষ্ঠ তুমি,  
 বিখ্যাত ভারতক্ষেত্রে ভীম বাহুবলে ; ১৫০  
 কি যশঃ লভিলা, কহ, যশস্বি, বিনাশি—  
 অবলা কুলের বালা আমি—সুখ মম !

আসিবেন তাত কথ ফিরি যবে বনে ;  
 কি কব তাঁহারে, নাথ, কহ, তা দাসীরে ?  
 নিন্দে অনসূয়া যবে মন্দ কথা কয়ে, ১৫৫  
 অপবাদে প্রিয়স্বদা তোমায়,—কি বলো  
 বুঝাবে এ দৌহে দাসী, কহ তা দাসীরে ?  
 কহ, কি বলিয়া, দেব, হায়, বুঝাইব  
 এ পোড়া পরাণ আমি—এ মিনতি পদে !

বনচর চর, নাথ ! না জানি কিরূপে ১৬০  
 প্রবেশিবে রাজপুরে, রাজ-সভাতলে ?  
 কিন্তু মজ্জমান জন, শুনিয়াছি, ধরে  
 তুণে, আর কিছু যদি না পায় সম্মুখে !  
 জীবনের আশা, হায়, কে ত্যজে সহজে !

ইতি শ্রীবীরাজনাকাব্যে শকুন্তলাপত্রিকা নাম  
 প্রথম সর্গ ।

## দ্বিতীয় সর্গ

### সোমের প্রতি তারা

[ ষৎকালে সোমদেব—অর্থাৎ চন্দ্র—বিভাধায়ন করণাভিলাষে দেবগুরু বৃহস্পতি, আশ্রমে বাস কবেন, গুরুপত্নী তারাদেবী তাঁহার অসামান্য সৌন্দর্য সন্দর্শনে বিমোহিতা হইয়া, তাঁহার প্রতি প্রেমাসক্তা হন। সোমদেব, পাঠ সমাপনাতে গুরুদক্ষিণা দিয়া বিদায় হইবাব বাসনা প্রকাশ করিলে, তাবাদেবী আপন মনের ভাব আর প্রচ্ছন্নভাবে রাখিতে পাবিলেন না; ও সতীত্বধর্ম জলাঞ্জলি দিয়া সোমদেবকে এই নিম্নলিখিত পত্রখানি লিখেন। সোমদেব যে এতাদৃশী পত্রিকা পাঠে কি করিয়াছিলেন, এস্থলে তাহার পবিচয় দিবার কোন প্রয়োজন নাই। পুরাণজ্ঞ ব্যক্তিমাড্রেই তাহা অবগত আছেন। ]

কি বলিয়া সম্বোধিবে, হে সুধাংশুনিধি,  
তোমারে অভাগী তারা ? গুরুপত্নী আমি  
তোমার, পুরুষরত্ন ; কিন্তু ভাগ্যদোষে,  
ইচ্ছা করে দাসী হয়ে সেবি পা দুখানি।—

কি লজ্জা ! কেমনে তুই, রে পোড়া লেখনি, ৫  
লিখিলি এ পাপ কথা,—হায় রে, কেমনে ?  
কিন্তু বৃথা গঞ্জি তোরে ! হস্তদাসী সদা  
তুই ; মনোদাস হস্ত ; সে মনঃ পুড়িলে  
কেন না পুড়িবি তুই ? বজ্রাগ্নি যতপি  
দহে তরুশিরঃ, মরে পদাশ্রিত লতা ! ১০

হে স্মৃতি, কুকর্মে রত দুর্মতি যেমতি  
নিবায় প্রদীপ, আজি চাহে নিবাইতে  
তোমায় পাপিনী তারা। দেহ ভিক্ষা, ভুলি

কে সে মনঃ-চোর মোর, হায়, কেবা আমি !—

ভুলি ভূতপূর্ব কথা,—ভুলি ভবিষ্যতে !

১৭

এস তবে, প্রাণসখে ; দিনু জলাঞ্জলি  
কুলমানে তব জন্তে,—ধর্ম, লজ্জা, ভয়ে !

কুলের পিঞ্জর ভাঙ্গি, কুল-বিহঙ্গিনী

উড়িল পবন-পথে, ধর আসি তারে,

তারানাথ !—তারানাথ ? কে তোমারে দিল

২০

এ নাম, হে গুণনিধি, কহ তা তারারে !

এ পোড়া মনের কথা জানিল কি ছলে

নামদাতা ? ভেবেছিহু, নিশাকালে যথা

মুদিত-কমল-দলে থাকে গুপ্তভাবে

সৌরভ, এ প্রেম, বঁধু, আছিল হৃদয়ে

২৫

অস্তুরিত ; কিন্তু—ধিক, বৃথা চিন্তা, তোরে !

কে পারে লুকাতে কবে জ্বলন্ত পাবকে ?

এস তবে, প্রাণসখে ! তারানাথ তুমি ;

জুড়াও তারার জ্বালা ! নিজ রাজ্য ত্যজি,

ভ্রমে কি বিদেশে রাজা, রাজকাজ ভুলি ?

৩০

সদর্পে কন্দর্প নামে মীনধ্বজ রথী,

পঞ্চ খর শর তুণে, পুষ্পধনুঃ হাতে,

আক্রমিছে পরাক্রমি অসহায় পুরী ;—

কে তারে রক্ষিবে, সখে, তুমি না রক্ষিলে ?

৩৫

যে দিন,—কুদিন তারা বলিবে কেমনে

সে দিনে, হে গুণমণি, যে দিন হেরিল

আঁখি তার চন্দ্রমুখ,—অতুল জগতে !—

যে দিন প্রথমে তুমি এ শাস্ত আশ্রমে

প্রবেশিলা, নিশাকান্ত, সহসা ফুটিল

নবকুমুদিনীসম এ পরাণ মম

৪০

উল্লাসে,—ভাসিল যেন আনন্দ-সলিলে !

এ পোড়া বদন মুহুঃ হেরিহু দর্পণে ;

বিনাইহু যত্নে বেণী ; তুলি ফুলরাজী,

( বন-রত্ন ) রত্নরূপে পরিহু কুম্বলে !

চির পরিধান মম বাকল ; ঘৃণিহু

৪৫

তাহায় ! চাহিহু, কাঁদি বন-দেবী-পদে,

ছুকুল, কাঁচলি, সিঁতি, কঙ্কণ, কিঙ্কিনী,

কুণ্ডল, মুকুতাহার, কাঞ্চী কটিদেশে !

ফেলিহু চন্দন দূরে, স্মরি মৃগমদে !

হায় রে, অবোধ আমি ! নারিহু বুঝিতে

৫০

সহসা এ সাধ কেন জনমিল মনে ?

কিস্ত বুঝি এবে, বিধু ! পাইলে মধুরে,

সোহাগে বিবিধ সাজে সাজে বনরাজী !—

তারার যৌবন-বন-ঋতুরাজ তুমি !

বিঞ্চালাভ-হেতু যবে বসিতে, স্মমতি,

৫৫

গুরুপদে ; গৃহকর্ম ভুলি পাপীয়সী

আমি, অস্তুরালে বসি শুনিতাম স্মখে

ও মধুর স্বর, সখে, চির-মধু-মাখা !

কি ছার নিগম, তন্ত্র, পুরাণের কথা ?

কি ছার মুরজ, বীণা, মুরলী, তুম্বকী ?

৬০

বর্ষ বাক্যসুধা তুমি ! নাচিবে পুলকে

তারা, মেঘনাদে মাতি ময়ূরী যেমতি !

গুরুর আদেশে যবে গাভীবন্দ লয়ে,

দূর বনে, স্মরমণি, ভ্রমিতে একাকী

বহু দিন ; অহরহঃ, বিরহ-দহনে,

৬৫

কত যে কাঁদিত তারা, কব তা কাহারে—

অবিরল অশ্রুজল মুছি লজ্জাভয়ে ! .

গুরুপত্নী বলি যবে প্রণমিতে পদে,  
 সুধানিধি, মুদি আঁখি, ভাবিতাম মনে,  
 মানিনী যুবতী আমি, তুমি প্রাণপতি, ৭০  
 মান-ভঙ্গ-আশে নত দাসীর চরণে !  
 আশীর্ব্বাদ-ছলে মনে নমিতাম আমি !

গুরুর প্রসাদ-অল্পে সদা ছিলা রত,  
 তারাকাস্ত ; ভোজনাস্তে আচমন-হেতু  
 যোগাইতে জল যবে গুরুর আদেশে ৭৫  
 বহির্দ্বারে, কত যে কি রাখিতাম পাতে  
 চুরি করি আনি আমি, পড়ে কি হে মনে ?  
 হরীতকী-স্বলে, সখে, পাইতে কি কভু  
 তাম্বুল শয়নধামে ? কুশাসন-তলে,  
 হে বিধু, সুরভি ফুল কভু কি দেখিতে ? ৮০  
 হায় রে, কাঁদিত প্রাণ হেরি তৃণাসনে ;  
 কোমল কমল-নিন্দা ও বরাঙ্গ তব,  
 তেঁই, ইন্দু, ফুলশয্যা পাতিত ছুঃখিনী !  
 কত যে উঠিত সাধ, পাড়িতাম যবে  
 শয়ন, এ পোড়া মনে, পার কি বুঝিতে ? ৮৫

পূজাহেতু ফুলজাল তুলিবারে যবে  
 প্রবেশিতে ফুলবনে, পাইতে চৌদিকে  
 তোলা ফুল । হাসি তুমি কহিতে, স্মৃতি,  
 “দয়াময়ী বনদেবী ফুল অবচয়ি,  
 রেখেছেন নিবারিতে পরিশ্রম মম !” ৯০  
 কিন্তু সত্য কথা এবে কহি, গুণনিধি ;—  
 নিশীথে ত্যজিয়া শয্যা পশিত কাননে  
 এ কিঙ্করী ; ফুলরাশি তুলি চারি দিকে  
 রাখিত তোমার জন্তে ! নীর-বিন্দু যত

দেখিতে কুসুমদলে, হে সুধাংশু-নিধি, ২৫  
 অভাগীর অশ্রুবিন্দু—কহিহু তোমাতে !  
 কত যে কহিত তারা—হায়, পাগলিনী !—  
 প্রাণি ফুলে, কেমনে তা আনিব এ মুখে ?  
 কহিত সে চম্পকেরে,—“বর্ণ তোর হেরি,  
 রে ফুল, সাদরে তোরে তুলিবেন যবে ১০০  
 ও কর-কমলে, সখা, কহিসু তাঁহারে,—  
 ‘এ বর বরণ মম কালি অভিমানে  
 হেরি যে বর বরণ, হে রোহিণীপতি,  
 কালি সে বর বরণ তোমার বিহনে !’”  
 কহিত সে কদম্বেরে,—না পারি কহিতে ১০৫  
 কি যে সে কহিত তারে, হে সোম, শরমে !—  
 রসের সাগর তুমি, ভাবি দেখ মনে !

শুনি লোকমুখে, সখে, চন্দ্রলোকে তুমি  
 ধর মৃগশিশু কোলে, কত মৃগশিশু  
 ধরেছি যে কোলে আমি কাঁদিয়া বিরলে, ১১০  
 কি আর কহিব তার ? শুনিলে হাসিবে,  
 হে সুহাসি ! নাহি জ্ঞান ; না জানি কি লিখি !

ফাটিত এ পোড়া প্রাণ হেরি তারাদলে !  
 ডাকিতাম মেঘদলে চির আবরিতে  
 রোহিণীর স্বর্ণকাস্তি । ভ্রাস্তিমদে মাতি, ১১৫  
 সপত্নী বলিয়া তারে গঞ্জিতাম রোষে !  
 প্রফুল্ল কুমুদে হৃদে হেরি নিশাযোগে  
 তুলি ছিঁড়িতাম রাগে :—আঁধার কুটীরে  
 পশিতাম বেগে হেরি সরসীর পাশে  
 তোমায় ! ভূতলে পড়ি, তিতি অশ্রুজলে, ১২০  
 কহিতাম অভিমানে,—‘হে দারুণ বিধি,

নাহি কি যৌবন মোর,—রূপের মাধুরী ?  
তবে কেন,—’ কিন্তু বৃথা স্মরি পূর্বকথা !  
নিবেদিব, দেবশ্রেষ্ঠ, দিন দেহ যবে !

তুষেছ গুরুর মনঃ স্নদক্ষিণা-দানে ; ১২৫

গুরুপত্নী চাহে ভিক্ষা,—দেহ ভিক্ষা তারে !

দেহ ভিক্ষা—ছায়ারূপে থাকি তব সাথে

দিবা নিশি ! দিবা নিশি সেবি দাসীভাবে

ও পদযুগল, নাথ,—হা ধিক্, কি পাপে,

হায় রে, কি পাপে, বিধি, এ তাপ লিখিলি ১৩০

এ ভালে ? জনম মম মহা ঋষিকুলে,

তবু চণ্ডালিনী আমি ? ফলিল কি এবে

পরিমলাকর ফুলে, হায়, হলাহল ?

কোকিলের নীড়ে কি রে রাখিলি গোপনে

কাকশিশু ? কক্ষ্যনাশা—পাপ-প্রবাহিণী !— ১৩৫

কেমনে পড়িল বহি জাহ্নবীর জলে ?

ক্ষম, সখে !—পোষা পাখী, পিঞ্জর খুলিলে,

চাহে পুনঃ পশিবারে পূর্ব কারাগারে !

এস তুমি ; এস শীঘ্র ! যাব কুঞ্জ-বনে,

তুমি, হে বিহঙ্গরাজ, তুমি সঙ্গে নিলে ! ১৪০

দেহ পদাশ্রয় আসি,—প্রেম-উদাসিনী

আমি ! যথা যাও যাব ; করিব যা কর ;—

বিকাইব কায় মনঃ তব রাঙা পায়ে !

কলঙ্কী শশাঙ্ক, তোমা বলে সর্ব্ব জনে ।

কর আসি কলঙ্কিনী কিঙ্করী তারারে, ১৪৫

তারানাথ ! নাহি কাজ বৃথা কুলমানে ।

এস, হে তারার বাঞ্ছা ! পোড়ে বিরহিণী,

পোড়ে যথা বনফলী ঘোর দাবানলে !

চকোরী সেবিলে তোমা দেহ সুধা তারে,  
সুধাময় ; কোন্ দোষে দোষী তব পদে ১১০

অভাগিনী ? কুমুদিনী কোন্ তপোবলে  
পায় তোমা নিত্য, কহ ? আরস্তি সত্ত্বরে  
সে তপঃ, আহার নিদ্রা ত্যজি একাসনে !  
কিন্তু যদি থাকে দয়া, এস শীঘ্র করি !

এ নব যৌবন, বিধু, অপিব গোপনে ১৫৫  
তোমায়, গোপনে যথা অর্পেণ আনিয়া  
সিদ্ধপদে মন্দাকিনী স্বর্ণ, হোরা, মণি !

আর কি লিখিবে দাসী ? সুপণ্ডিত তুমি,  
ক্ষম ভ্রম ; ক্ষম দোষ ! কেমনে পড়িব  
কি কহিল পোড়া মনঃ, হায়, কি লিখিল ১৬০  
লেখনী ? আইস, নাথ, এ মিনতি পদে ।

লিখিলু লেখন বসি একাকিনী বনে,  
কঁপি ভয়ে—কঁদি খেদে—মরিয়া শরমে !  
লয়ে ফুলবৃন্ত, কাস্ত, নয়ন-কাজলে  
লিখিলু ! ক্ষমিও দোষ, দয়াসিদ্ধু তুমি ! ১৬৫  
আইলে দাসীর পাশে, বুঝিব ক্ষমিলে  
দোষ তার, তারানাথ ! কি আর কহিব ?  
ন মরণ মম আজি তব হাতে !

ইতি শ্রীবীর/কনাকাব্যে তারাপত্রিকা নাম  
দ্বিতীয় সর্গ ।



## তৃতীয় সর্গ

### দ্বারকানাথের প্রতি রুক্মিণী

[ বিদর্ভাধিপতি ভীষ্মকরাজপুত্রী রুক্মিণী দেবীকে পৌরাণিক ইতিবৃত্তে স্বয়ং লক্ষ্মী-অবতাব বলিয়া ব্যাখ্যা কবিত্বা থাকেন। সুতরাং তিনি আজন্ম বিষ্ণুপরাযণা ছিলেন। যৌবনাবস্থায় তাঁহাব ভ্রাতা যুববাজ কল্প চেন্দীশ্বব শিশুপালেব সহিত তাঁহাব পরিণয়ার্থে উদ্যোগী হইলে, রুক্মিণী দেবী নিম্নলিখিত পত্রিকাখানি দ্বাবকায় বিষ্ণু-অবতাব দ্বাবকানাথেন সমীপে প্রেবণ কবেন। রুক্মিণী-হরণ-বৃত্তান্ত এ স্থলে ব্যক্ত কবা বাহুল্য। ]

শুনি নিত্য ঋষিমুখে, হৃষীকেশ তুমি,  
যাদবেন্দ্র, অবতীর্ণ অবনৌ-মণ্ডলে  
খণ্ডিতে ধরার ভার দণ্ডি পাপী-জনে,  
চাহে পদাশ্রয়, নমি ও রাজীব-পদে,  
রুক্মিণী,—ভীষ্মক-পুত্রী, চিরদাসী তব ;—  
তার, হে তারক, তারে এ বিপত্তি-কালে !

কেমনে মনের কথা কহিব চরণে,  
অবলা কুলের বালা আমি, যত্নমণি ?  
কি সাহসে বাঁধি বুক, দিব জলাঞ্জলি  
লজ্জাভয়ে ? মুদে আঁখি, হে দেব, শরমে ;  
না পারে আঙুল-কুল ধরিতে লেখনী ;  
কাঁপে হিয়া ধরতরে ! না জানি কি করি ;  
না জানি কাহারে কহি এ ছঃখ-কাহিনী !  
শুন তুমি, দয়াসিদ্ধ ! হায়, তোমা বিনা  
নাহি গতি অভাগীর আর এ সংসারে !

নিশার স্বপনে হেরি পুরুষ-রতনে,  
কায় মনঃ অভাগিনী সঁপিয়াছে তাঁরে ;  
দেবে সাক্ষী করি বরি দেবনরোত্তমে

বরভাবে ! নারী দাসী, নারে উচ্চারিতে  
 নাম তাঁর, স্বামী তিনি ; কিন্তু কহি, শুন,  
 পঞ্চ মুখে পঞ্চমুখ জপেন সতত  
 সে নাম,—জগত-কর্ণে সুধার লহরী !

কে যে তিনি ? জন্ম তাঁর কোন্ মহাকূলে ?  
 অবধান কর, প্রভু, কহিব সংক্ষেপে ;  
 তুলিয়া কুসুম-রাশি, মালিনী যেমতি  
 গাঁথে মালা, ঋষিমুখ-বাক্যচয় আজি  
 গাঁথিব গাথায়, নাথ, দেহ পদ-ছায়া ।

গৃহিলা পুরুষোত্তম জন্ম কারাগারে ।—  
 রাজদ্বেষে পিতা মাতা ছিলা বন্দীভাবে,  
 দীনবন্ধু, তেঁই জন্ম নাথের কুস্থলে !  
 খনিগর্ভে ফলে মণি ; মুক্তা শুক্রিধামে ।  
 হাসিলা উল্লাসে পৃথ্বী সে শুভ নিশীথে .  
 শত শরদের শশী-সদৃশী শোভিল  
 বিভা ! গঙ্গামোদে মাতি স্বনিলা সুস্বনে  
 সমীরণ ; নদ নদী কলকলকলে  
 সিঙ্ধুপদে সুসংবাদ দিলা দ্রুতগতি ;  
 কল্লোলিলা জলপতি গস্তীর নিনাদে !  
 নাচিল অপ্সরা স্বর্গে ; মর্ত্যে নর নারী ।  
 সঙ্গীত-তরঙ্গ রঙ্গে বহিল চৌদিকে ।  
 বৃষ্টিলা কুসুম দেব ; পাইল দরিদ্র  
 রতন ; জীবন পুনঃ জীবশৃঙ্খ জন !  
 পুরিল অখিল বিশ্ব জয় জয় রবে ।

জন্মান্তে জনমদাতা, ঘোর নিশাযোগে,  
 গোপরাজ-গৃহে লয়ে রাখিলা নন্দনে  
 মহা যত্নে । মহারত্নে পাইলে যেমতি

আনন্দ-সলিলে ভাসে দরিদ্র, ভাসিলা  
গোকুলে গোপ-দম্পতি আনন্দ-সলিলে !

আদরে পালিলা বালে গোপ-কুল-রাণী  
পুত্রভাবে । বাল্য-কালে বাল্য-খেলা যত  
খেলিলা রাখাল-রাজ, কে পারে বর্ণিতে ?

৫০

কে কবে, কি ছলে শিশু নাশিলা মায়াবী  
পুতনারে ? কাল নাগ কালীয়, কি দেখি,  
লইল আশ্রয় নমি পাদ-পদ্ম-তলে ?

কে কবে, বাসব যবে রুষি, বরষিলা  
জলাসার, কি কৌশলে গোবর্দ্ধনে তুলি,  
রক্ষিলা গোকুল, দেব, প্রলয়-প্লাবনে ?  
আর আর কীর্ত্তি যত বিদিত জগতে ?

৫৫

যৌবনে করিলা কেলি গোপী-দলে লয়ে  
রসরাজ ; মজাইলা গোপ-বধু-ব্রজ

বাজায়ে বাঁশরী, নাচি তমালের তলে !

৬০

বিহারিলা গোষ্ঠে প্রভু ; যমুনা-পুলিনে !

এইরূপে কত কাল কাটাইলা সুখে  
গোপ-ধামে গুণনিধি ; পরে বিনাশিয়া  
পিতৃ-অরি অরিন্দম, দূর সিঙ্কু-তীরে  
স্থাপিলা সুন্দরী পুরী । আর কব কত ?  
দেখ চিন্তি, চিন্তামণি, চেন যদি তারে !

৬৫

না পার চিনিতে যদি, দেহ আঞ্জা তবে,  
গীতাস্বর, দেখি যদি পারে হে বর্ণিতে

সে রূপ-মাধুরী দাসী । চিত্রপটে যেন,

চিত্রিত সে মূর্ত্তি চির, হায়, এ হৃদয়ে !

৭০

নবীন-নীরদ-বর্ণ ; শিখি-পুচ্ছ শিরে ;

ত্রিভঙ্গ ; সুগল-দেশে বরগুণমালা ;

মধুর অধরে বাঁশী ; বাস পীত ধড়া ;  
ধ্বজবজ্রাক্কুশ-চিহ্ন রাজীব-চরণে—

যোগীন্দ্র-মানস-পদ্ম ! মোক্ষ-ধাম ভবে !

৭৫

যত বার হেরি, দেব, আকাশ-মণ্ডলে,  
ঘনবরে, শক্র-ধনুঃ চূড়ারূপে শিরে ;  
তড়িৎ সুধড়া অঙ্গে ;—পাছু অর্ঘ্য দিয়া,  
সাষ্টাঙ্গে প্রণমি, আমি পূজি ভক্তি-ভাবে !

ভ্রাস্তিমদে মাতি কহি,—‘প্রাণকাস্ত মম  
আসিছেন শূন্যপথে তুঘিতে দাসীরে !’  
উড়ে যদি চাতকিনী, গঞ্জি তারে রাগে !

৮০

নাচিলে ময়ূরী, তারে মারি, যত্নমণি !  
মস্ত্রে যদি ঘনবর, ভাবি, আঁখি মুদি,  
গোপ-কুল-বালা আমি ; বেগুর সুরবে  
ডাকিছেন সখা মোরে যমুনা-পুলিনে !

৮৫

কহি শিখীবরে,—‘ধনু তুই পক্ষীকূলে,  
শিখণ্ডি ! শিখণ্ড তোর মণ্ডে শিরঃ ঝাঁর,  
পূজেন চরণ তাঁর আপনি ধূর্জটি !’—  
আর পরিচয় কত দিব পদযুগে ?

৯০

শুন এবে ছঃখ-কথা । হৃদয়-মন্দিরে  
স্থাপি সে সুশ্যাম মূর্তি, সন্ন্যাসিনী যথা  
পূজে নিত্য ইষ্টদেবে গহন বিপিনে,  
পূজিতাম আমি নাথে । এবে ভাগ্য-দোষে  
চেদৌধর নরপাল শিশুপাল নামে,  
( শূনি জনরব ) নাকি আসিছেন হেথা  
বরবেশে বন্নিবারে, হায়, অভাগীরে !

৯৫

কি লজ্জা ! ভাবিয়া দেখ, হে দ্বারকাপতি !  
কেমনে অধর্ম কর্ম করিবে রুক্ষিণী ?

স্বেচ্ছায় দিয়াছে দাসী, হায়, এক জনে ১০০

কায় মনঃ ; অথ জনে—ক্ষম, গুণনিধি !—

উড়ে প্রাণ, পোড়া কথা পড়ে যবে মনে ।

কি পাপে লিখিলা বিধি এ যাতনা ভালে ?

আইস গরুড়-ধ্বজে, পাঞ্চজন্ম নাদি,

গদাধর ! রূপ গুণ থাকিত যতপি ১০৫

এ দাসীর,—কহিতাম, ‘আইস, মুবারি,

আইস ; বাহন তব বৈনতেয় যথা

হরিল অমৃতরস পশি চন্দ্রলোকে,

হর অভাগীরে তুমি প্রবেশি এ দেশে !’

কিস্ত নাহি রূপ গুণ ; কোন্ মুখ দিয়া ১১০

অমৃতের সহ দিব আপন তুলনা !

দীন আমি ; দীনবন্ধু তুমি, যত্নপতি ;

দেহ লয়ে রুক্মিণীরে সে পুরুষোত্তমে,

যাঁর দাসী করি বিধি সৃজিলা তাহারে !

রুক্ম নামে সহোদর,—দ্রুস্ত সে অতি ; ১১৫

বড় প্রিয়পাত্র তার চেদীশ্বর বলী ;

শরমে মায়ের পদে নারি নিবেদিতে

এ পোড়া মনের কথা ! চন্দ্রকলা সখী,

তার গলা ধরি, দেব, কাঁদি দিবা নিশি ;—

নীরবে ছুজনে কাঁদি সভয়ে বিরলে ! ১২০

লইলু শরণ আজি ও রাজীব-পদে ;—

বিস্ম-বিনাশন তুমি, ত্রাণ বিস্মে মোরে !

কি ছলে ভুলাই মনঃ ; কেমনে যে ধরি

ধৈর্য, শুনিবে যদি, কহিব, শ্রীপতি !

বহে প্রবাহিণী এক:রাজ-বন-মাঝে ; ১২৫

‘যমুনা’ বলিয়া তারে সম্বোধি আদরে,

গুণনিধি ! কূলে তার কত যে রোপেছি  
 তমাল, কদম্ব,—তুমি হাসিবে গুণিলে !  
 পুষিয়াছি সারী শুক, ময়ূর ময়ূরী  
 কুঞ্জবনে ; অলিকুল গুঞ্জরে সতত ;

১৩০

কুহরে কোকিল ডালে ; ফোটে ফুলরাজী ।  
 কিন্তু শোভাহীন বন প্রভুর বিহনে !  
 কহ কুঞ্জবিহারীরে, হে দ্বারকাপতি,  
 আসিতে সে কুঞ্জবনে বেণু বাজাইয়া ।  
 কিম্বা মোরে লয়ে, দেব, দেহ তাঁর পদে !

১৩৫

আছে বহু গাভী গোষ্ঠে ; নিজ কর দিয়া  
 সেবে দাসী তা সবারে । কহ হে রাখালে  
 আসিতে সে গোষ্ঠগৃহে, কহ, যত্নমণি !

যতনে চিকণি নিত্য গাঁথি ফুলমালা ;  
 যতনে কুড়ায়ে রাখি যদি পাই পড়ি

১৪০

শিখীপুচ্ছ ভূমিতলে ;—কত যে কি করি,  
 হায়, পাগলিনী আমি ! কি কাজ কহিয়া ?

আসি উদ্ধারহ মোরে, ধনুর্ধর তুমি,  
 মুরারি ! নাশিলা কংসে, গুনিয়াছে দাসী,  
 কংসজিত ; মধু নামে দৈত্য-কুল-রথী,  
 বধিলা, মধুসূদন, হেলায় তাহারে !

১৪৫

কে বর্ণিবে গুণ তব, গুণনিধি তুমি ?  
 কালরূপে শিশুপাল আসিছে সত্বরে ;  
 আইস তাহার অগ্রে । প্রবেশি এ দেশে,  
 হর মোরে ! হরে লয়ে দেহ তাঁর পদে,  
 হরিলা এ মনঃ যিনি নিশার স্বপনে ।

১৫০

ইতি শ্রীবীরভদ্রনাকাব্যে ঋষ্ণীগীতিকার নাম  
 তৃতীয় সর্গ ।

## চতুর্থ সর্গ

### দশরথের প্রতি কেকয়ী

[ কোন সময়ে বাজর্ষি দশবথ কেকয়ী দেবীর নিকট এই প্রতিজ্ঞা কবিয়াছিলেন, যে তিনি তাঁহাব গর্ভজাত-পুত্র ভবত্বেই যুববাজপদে অভিষিক্ত কবিবেন। কালক্রমে বাজা স্বসত্য বিশ্বিত হইয়া বৌশল্যানন্দন বামচন্দ্রকে সে পদ-প্রদানের ইচ্ছা প্রকাশ কবাত্তে, কেকয়ী দেবী মন্তবা নাম্নী দাসীর মুখে এ সংবাদ পাইয়া, নিম্নলিখিত পত্রিকাখানি বাজসর্মাণে প্রেরণ কবিয়াছিলেন। ]

এ কি কথা শুনি আজ মন্তবার মুখে,  
রঘুরাজ ? কিন্তু দাসী নীচকুলোদ্ভবা,  
সত্য মিথ্যা জ্ঞান তার কভু না সম্ভবে !  
কহ তুমি ;—কেন আজি পুরবাসী যত  
আনন্দ-সলিলে মগ্ন ? ছড়াইছে কেহ  
ফুলরাশি রাজপথে ; কেহ বা গাঁথিছে  
মুকুল কুসুম ফল পল্লবের মালা  
সাজাইতে গৃহদ্বার—মহোৎসবে যেন ?  
কেন বা উড়িছে ধ্বজ প্রতি গৃহচূড়ে ?  
কেন পদাতিক, হয়, গজ, রথ, রথী  
বাহিরিছে রণবেশে ? কেন বা বাজিছে  
রণবাণ ? কেন আজি পুরনারী-ব্রজ  
মুহুমুহুঃ হলাহলি দিতেছে চৌদিকে ?  
কেন বা নাচিছে নট, গাইছে গায়কী ?  
কেন এত বীণা-ধ্বনি ? কহ, দেব, শুনি,  
কৃপা করি কহ মোরে,—কোন্ ব্রতে ব্রতী  
আজি রঘু-কুল-শ্রেষ্ঠ ? কহ, হে নৃমণি,

৫

১০

১৫

কাহার কুশল-হেতু কৌশল্যা মহিষী  
 বিতরেন ধন-জাল ? কেন দেবালয়ে  
 বাজিছে ঝাঁঝরি, শংখ, ঘণ্টা ঘটারোলে ? ২০  
 কেন রঘু-পুরোহিত রত স্বস্ত্যয়নে ?  
 নিরন্তর জন-শ্রোতঃ কেন বা বহিছে  
 এ নগর-অভিमुखে ? রঘু-কুল-বধু  
 বিবিধ ভূষণে আজি কি হেতু সাজিছে—  
 কোন্ রঙ্গে ? অকালে কি আরস্তিলা, প্রভু, ২৫  
 যজ্ঞ ? কি মঙ্গলোৎসব আজি তব পুরে ?  
 কোন্ রিপু হত রণে, রঘু-কুল-রথি ?  
 জন্মিল কি পুত্র আর ? কাহার বিবাহ  
 দিবে আজি ? আইবড় আছে কি হে গৃহে  
 হুহিতা ? কৌতুক বড় বাড়িতেছে মনে । ৩০  
 কহ, শুনি, হে রাজন্ ; এ বয়েসে পুনঃ  
 পাইলা কি ভাগ্য-বলে—ভাগ্যবান্ তুমি  
 চিরকাল !—পাইলা কি পুনঃ এ বয়েসে—  
 রসময়ী নারী-ধনে, কহ, রাজ-ঋষি ?  
 হা ধিক্ ! কি কবে দাসী—গুরুজন তুমি । ৩৫  
 নতুবা কেকয়ী, দেব, মুক্তকণ্ঠে আজি  
 কহিত,—‘অসত্য-বাদী রঘু-কুল-পতি ।  
 নিলজ্জ ! প্রতিজ্ঞা তিনি ভাঙ্গেন সহজে ।  
 ধর্ম-শব্দ মুখে,—গতি অধর্মের পথে !’  
 অযথার্থ কথা যদি বাহিরায় মুখে ৪০  
 কেকয়ীর, মাথা তার কাট তুমি আসি,  
 নররাজ ; কিহা দিয়া চূণ কালি গালে  
 খেদাও গহন বনে ! যথার্থ যত্নপি  
 অপবাদ, তবে কহ, কেমনে ভুঞ্জিবে ‘



এ কলঙ্ক ? লোক-মাঝে কেমনে দেখাবে  
ও মুখ, রাঘবপতি, দেখ ভাবি মনে ।

৪৫

না পড়ি ঢলিয়া আর নিতম্বের ভরে !  
নহে গুরু উরু-দ্বয়, বর্জুল কদলী-  
সদৃশ ! সে কটি, হায়, কর-পদ্মে ধরি  
যাহায়, নিন্দিতে তুমি সিংহে প্রেমাদরে,  
আর নহে সরু, দেব ! নম্র-শিরঃ এবে  
উচ্চ কুচ ! সুখা-হীন অধর ! লইল  
লুটিয়া কুটিল কাল, যৌবন-ভাণ্ডারে  
আছিল রতন যত ; হরিল কাননে  
নিদাঘ কুসুম-কাস্তি, নীরসি কুসুমে !

৫০

৫৫

কিন্তু পূর্বকথা এবে স্মর, নরমণি !—  
সেবিহু চরণ যবে তরুণ যৌবনে,  
কি সত্য করিলা, প্রভু, ধর্ম্মে সাক্ষী করি,  
মোর কাছে ? কাম-মদে মাতি যদি তুমি  
বৃথা আশা দিয়া মোরে ছলিলা, তা কহ ;—  
নীরবে এ ছুঃখ আমি সহিব তা হলে ।  
কামীর কুরাতি এই শুনেছি জগতে,  
অবলার মনঃ চুরি করে সে সতত  
কৌশলে, নির্ভয়ে ধর্ম্মে দিয়া জলাঞ্জলি ;—  
প্রবঞ্চনা-রূপ ভস্ম মাখে মধুরসে !  
এ কুপথে পথী কি হে সূর্য্য-বংশ-পতি ?  
তুমিও কলঙ্ক-রেখা লেখ সুলমাটে,  
( শশাঙ্ক-সদৃশ ) এবে, দেব দিনমণি !

৬০

৬৫

ধর্ম্মশীল বলি, দেব, বাখানে তোমারে  
দেব নর,—জিতেপ্রিয়, নিত্য সত্যপ্রিয় !  
তবে কেন, কহ মোরে, তবে কেন শুনি,

৭০

যুবরাজ-পদে আজি অভিষেক কর  
 কৌশল্যা-নন্দন রামে ? কোথা পুত্র তব  
 ভরত,—ভারত-রত্ন, রঘু-চূড়ামণি ?  
 পড়ে কি হে মনে এবে পূর্বকথা যত ? ৭৫  
 কি দোষে কেকয়ী দাসী দোষী তব পদে ?  
 কোন্ অপরাধে পুত্র, কহ, অপরাধী ?

তিন রাণী তব, রাজা ! এ তিনের মাঝে,  
 কি ক্রটি সেবিতে পদ করিল কেকয়ী  
 কোন্ কালে ? পুত্র তব চারি, নবমণি ! ৮০

গুণশীলোত্তম রাম, কহ, কোন্ গুণে ?  
 কি কুহকে, কহ শুনি, কৌশল্যা মহিষী  
 ভুলাইলা মনঃ তব ? কি বিশিষ্ট গুণ  
 দেখি রামচন্দ্রে, দেব, ধর্ম নষ্ট কর  
 অভীষ্ট পূর্ণিতে তার, রঘুশ্রেষ্ঠ তুমি ? ৮৫

কিস্ত বাক্য-ব্যয় আর কেন অকারণে ?—  
 যাহা ইচ্ছা কর, দেব ; কার সাধ্য রোধে  
 তোমায়, নরেন্দ্র তুমি ? কে পারে ফিরাতে  
 প্রবাহে ? বিতংসে কেবা বাঁধে কেশরীরে ?  
 চলিল ত্যজিয়া আজি তব পাপ-পুরী ৯০

ভিখারিণী-বেশে দাসী ! দেশ দেশান্তরে  
 ফিরিব ; যেখানে যাব, কহিব সেখানে  
 ‘পরম অধর্মাচারী রঘু-কুল-পতি !’  
 গম্ভীরে অম্বরে যথা নাদে কাদম্বিনী,  
 এ মোর দুঃখের কথা, কব সর্ব জনে ! ৯৫

পথিকে, গৃহস্থে, রাজে, কাঙালে, তাপসে,—  
 যেখানে যাহারে পাব, কব তার কাছে—  
 ‘পরম অধর্মাচারী রঘু-কুল-পতি !’

- পুষ্টি সারী শুক, দৌহে শিখাব যতনে  
এ মোর ছুংখের কথা, দিবস রজনী । ১০০
- শিখিলে এ কথা, তবে দিব দৌহে ছাড়ি  
অরণ্যে । গাইবে তারা বসি বৃক্ষ-শাখে,  
'পরম অধর্মাচারী রঘু-কুল-পতি !'  
শিখি পক্ষীমুখে গীত গাবে প্রতিধ্বনি—  
'পরম অধর্মাচারী রঘু-কুল-পতি !' ১০৫
- লিখিব গাছের ছালে, নিবিড় কাননে,  
'পরম অধর্মাচারী রঘু-কুল-পতি !'  
খোদিব এ কথা আমি তুঙ্গ শৃঙ্গদেহে ।  
রচি গাথা, শিখাইব পল্লী-বাল-দলে ।  
করতালি দিয়া তারা গাইবে নাচিয়া— ১১০
- 'পরম অধর্মাচারী রঘু-কুল-পতি !'  
থাকে যদি ধর্ম, তুমি অবশ্য ভুঞ্জিবে  
এ কশ্মের প্রতিফল ! দিয়া আশা মোরে,  
নিরাশ করিলে আজি ; দেখিব নয়নে  
তব আশা-বৃক্ষে ফলে কি ফল, নৃমণি ? ১১৫
- বাড়ালে যাহার মান, থাক তার সাথে  
গৃহে তুমি ! বামদেশে কৌশল্যা মহিষী,—  
( এত যে বয়েস, তবু লজ্জাহীন তুমি ! )—  
যুবরাজ পুত্র রাম ; জনক-নন্দিনী  
সীতা প্রিয়তমা বধু ;—এ সবারে লয়ে ১২০
- কর ঘর, নরবর, যাই চলি আমি !  
পিতৃ-মাতৃ-হীন পুত্রে পালিবেন পিতা—  
মাতামহালয়ে পাবে আশ্রয় বাছনি ।  
দিব্য দিয়া মানা তারে করিব খাইতে  
তব অন্ন ; প্রবেশিতে তব পাপ-পুরে । ১২৫

চিরি বন্ধ: মনোদুঃখে লিখিলু শোণিতে  
 লেখন । না থাকে যদি পাপ এ শরীরে ;  
 পতি-পদ-গতা যদি পতিব্রতা দাসী ;  
 বিচার করুন ধর্ম ধর্ম-রীতি-মতে !

ইতি শ্রীবীরাজনাকাব্যে কেকয়ীপত্রিকা নাম  
 চতুর্থ সর্গ ।

## পঞ্চম সর্গ

### লক্ষ্মণের প্রতি সূৰ্পণখা

[ যৎকালে বামচন্দ্র পঞ্চবটী-বনে বাস কবেন, লক্ষ্মাধিপতি বাবণের ভগিনী সূৰ্পণখা বামাহুজের মোহন-রূপে মগ্ন। হইয়া, তাঁহাকে এই নিম্নলিখিত পত্রিকাখানি লিখিয়াছিলেন । কবিগুরু বাম্বীকি বাজেজ্ঞ বাবণের পবিবাববর্গকে প্রায়ই বীভৎস বস দিয়া বর্ণন কবিয়া গিয়াছেন ; কিন্তু এ স্থলে সে বসেব লেশ মাত্রও নাই । অতএব পাঠকবর্গ সেই বাম্বীকিবর্ণিতা বিকটা সূৰ্পণখাকে স্মরণপথ হইতে দ্বীকৃত্য কবিবেন । ]

কে তুমি,—বিজন বনে ভ্রম হে একাকী,  
বিভূতি-ভূষিত অঙ্গ ? কি কৌতুকে, কহ,  
বৈশ্বানর, লুকাইছ ভস্মের মাঝারে ?  
মেঘের আড়ালে যেন পূর্ণশশী আজি ?

ফাটে বুক জটাজট হেরি তব শিরে,  
মঞ্জুকেশি ! স্বর্ণশয্যা ত্যজি জাগি আমি  
বিরাগে, যখন ভাবি, নিত্য নিশায়োগে  
শয়ন, বরাজ তব, হায় রে, ভূতলে !  
উপাদেয় রাজ-ভোগ যোগাইলে দাসী,  
কাঁদি ফিরাইয়া মুখ, পড়ে যবে মনে  
তোমার আহার নিত্য ফল মূল, বলি !  
সুবর্ণ-মন্দিরে পশি নিরানন্দ গতি,  
কেন না—নিবাস তব বঞ্জল মঞ্জুলে !

হে সূন্দর, শীঘ্র আসি কহ মোরে শুনি,—  
কোন্ দুঃখে ভব-সুখে বিমুখ হইলা  
এ নব ষৌবনে তুমি ? কোন্ অভিমানে  
রাজবেশ ত্যজিলা হে উদাসীর বেশে ?

৫

১০

১৫

হেমাঙ্গ মৈনাক-সম, হে তেজস্বি, কহ,  
 কার ভয়ে ভ্রম তুমি এ বন-সাগরে  
 একাকী, আবারি তেজঃ, ক্ষীণ, ক্ষুন্ন খেদে ? ১০

তোমার মনের কথা কহ আসি মোরে ।—

যদি পরাভূত তুমি রিপূর বিক্রমে,  
 কহ শীঘ্র ; দিব সেনা ভব-বিজয়িনী,  
 রথ, গজ, অশ্ব, রথী—অতুল জগতে !  
 বৈজয়ন্ত-ধামে নিত্য শচীকান্ত বলী ২৫

ত্রস্ত অস্ত্র-ভয়ে যার, হেন ভীম রথী  
 যুঝবে তোমার হেতু—আমি আদেশিলে !  
 চন্দ্রলোকে, সূর্যালোকে,—যে লোকে ত্রিলোকে  
 লুকাইবে অরি তব, বাঁধি আনি তারে  
 দিব তব পদে, শূর ! চামুণ্ডা আপনি, ৩০

( ইচ্ছা যদি কর তুমি ) দাসীর সাধনে,  
 ( কুলদেবী তিনি, দেব, ) ভীমখণ্ডা হাতে,  
 ধাইবেন ছহুঙ্কারে নাচিতে সংগ্রামে—  
 দেব-দৈত্য-নর-ত্রাস ।—যদি অর্থ চাহ,  
 কহ শীঘ্র ;—অলকার ভাণ্ডার খুলিব ৩৫

তুষিতে তোমার মনঃ ; নতুবা কুহকে  
 শুধি রত্নাকরে, লুটি দিব রত্ন-জ্বালে !  
 মণিযোনি খনি যত, দিব হে তোমায়ে ।

প্রেম-উদাসীন যদি তুমি, গুণমণি,  
 কহ, কোন্ যুবতীর—( আহা, ভাগ্যবতী  
 রামাকূলে সে রমণী ! )—কহ শীঘ্র করি,—  
 কোন্ যুবতীর নব যৌবনের মধু  
 বাঞ্ছা তব ? অনিমিষে রূপ তার ধরি,  
 ( কামরূপা আমি, নাথ, ) সেবিব তোমায়ে । ৪০

আনি পারিজাত ফুল, নিত্য সাজাইব  
শয্যা তব ! সঙ্গে মোর সহশ্র সঙ্গিনী,  
নৃত্য গীত রঙ্গে রত । অঙ্গুরা, কিন্নরী,  
বিছাধরী,—ইন্দ্রাণীর কিঙ্করা যেমতি,  
তেমতি আমারে সেবে দশ শত দাসী ।

৪৫

সুবর্ণ-নির্মিত গৃহে আমার বসতি—  
মুক্তাময় মাঝ তার ; সোপান খচিত  
মরকতে ; স্তম্ভে হীরা ; পদ্মরাগ মণি ;  
গবাক্ষে দ্বিরদ-রদ, রতন কপাটে !  
সুকল স্বরলহরী উথলে চৌদিকে  
দিবানিশি ; গায় পাখী সুমধুর স্বরে ;  
সুমধুরতর স্বরে গায় বাণাবাগী  
বামাকুল ! শত শত কুসুম-কাননে  
লুটি পরিমল, বায়ু অনুক্ষণ বহে !  
খেলে উৎস ; চলে জল কলকল কলে !

৫০

৫৫

কিন্তু বৃথা এ বর্ণনা । এস, গুণনিধি,  
দেখ আসি,—এ মিনতি দাসীর ও পদে !  
কায়, মনঃ, প্রাণ আমি সঁপিব তোমায়ে !  
ভুঞ্জ আসি রাজ-ভোগ দাসীর আলয়ে ;  
নহে কহ, প্রাণেশ্বর ! অম্লান বদনে,  
এ বেশ ভূষণ ত্যজি, উদাসিনী-বেশে  
সাজি, পূজি, উদাসীন, পাদ-পদ্ম তব !  
রতন কাঁচলি খুলি, ফেলি তারে দূরে,  
আবরি বাকলে স্তন ; ঘুচাইয়া বেণী,  
মণ্ডি জটাজুটে শিরঃ ; ভুলি রত্নরাজী,  
বিপিন-জনিত ফুলে বাঁধি হে কবরী !  
মুছিয়া চন্দন, লেপি ভস্ম কলেবরে ।

৬০

৬৫

৭০

পরি রুদ্রাক্ষের মালা, মুক্তামালা ছিঁড়ি  
 গলদেশে ! প্রেম-মন্ত্র দিও কর্ণ-মূলে ;  
 গুরুর দক্ষিণা-রূপে প্রেম-গুরু-পদে  
 দিব এ যৌবন-ধন প্রেম-কুতূহলে !

৭৫

প্রেমার্থীনা নারীকুল ডরে কি হে দিতে  
 জলাঞ্জলি, মঞ্জুকেশি, কুল, মান, ধনে  
 প্রেমলাভ-লোভে কতু ?—বিরলে লিখিয়া  
 লেখন, রাখিহু, সাথে, এই তরুতলে ।

নিত্য তোমা হেরি হেথা ; নিত্য ভ্রম তুমি  
 এই স্থলে । দেখ চেয়ে ; ওই যে শোভিছে  
 শমী,—লতাবৃত্তা, মরি, ঘোমটায় যেন,  
 লজ্জাবতী !—দাঁড়াইয়া উহার আড়ালে,  
 গতিহীনা লজ্জাভয়ে, কত যে চেয়েছি  
 তব পানে, নরবর—হায় ! সূর্য্যমুখী

৮০

৮৫

চাহে যথা স্থির-অঁখি সে সূর্য্যের পানে !—  
 কি আর কহিব তার ? যত ক্ষণ তুমি  
 থাকিতে বসিয়া, নাথ ; থাকিত দাঁড়ায়ে  
 প্রেমের নিগড়ে বন্ধা এ তোমার দাসী !  
 গেলে তুমি শূণ্যাসনে বসিতাম কাঁদি !

৯০

হায় রে, লইয়া ধূলা, সে স্থল হইতে  
 যথায় রাখিতে পদ, মাখিতাম ভালে,  
 হব্য-ভস্ম তপস্বিনী মাখে ভালে যথা !  
 কিন্তু বৃথা কহি কথা ! পড়িও, নুমণি,  
 পড়িও এ লিপিকানি, এ মিনতি পদে !

৯৫

যদি ও হৃদয়ে দয়া উদয়ে, যাইও  
 গোদাবরী-পূর্ব্বকূলে ; বসিব সেখানে  
 মুদিত কুমুদীকূলে আজি সায়ংকালে ;



তুমিও দাসীরে আসি শশধর-বেশে !  
 লয়ে তরি সহচরী থাকিবেক তীরে ; ১০০  
 সহজে হইবে পার । নিবিড় সে পারে  
 কানন, বিজন দেশ । এস, গুণনিধি ;  
 দেখিব প্রেমের স্বপ্ন জাগি হে ছুজনে !

যদি আঞ্জা দেহ, এবে পরিচয় দিব  
 সংক্ষেপে । বিখ্যাত, নাথ, লঙ্কা, রক্ষঃপুরী ১০৫  
 স্বর্ণময়ী, রাজা তথা রাজ-কুল-পতি  
 রাবণ, ভগিনী তাঁর দাসী ; লোকমুখে  
 যদি না শুনিয়া থাক, নাম সূৰ্পণখা ।  
 কত যে বয়েস তার ; কি রূপ বিধাতা  
 দিয়াছেন, আশু আসি দেখ, নরমণি ! ১১০

আইস মলয়-রূপে ; গন্ধহীন যদি  
 এ কুমুম, ফিরে তবে যাইও তখনি !  
 আইস ভ্রমর-রূপে ; না যোগায় যদি  
 মধু এ যৌবন-ফুল, যাইও উড়িয়া  
 গুঞ্জরি বিরাগ-রাগে ! কি আর কহিব ? ১১৫  
 মলয় ভ্রমর, দেব, আসি সাধে দৌহে  
 বৃন্তাসনে মালতীরে । এস, সখে, তুমি ;—  
 এই নিবেদন করে সূৰ্পণখা পদে ।

শুন নিবেদন পুনঃ । এত দূর লিখি  
 লেখন, সখীর মুখে শুনিহু হরষে, ১২০  
 রাজরথী দশরথ অযোধ্যাধিপতি,  
 পুত্র তুমি, হে কন্দর্প-গর্ব্ব-থর্ব্ব-কারি,  
 তাঁহার ; অগ্রজ সহ পশিয়াছ বনে  
 পিতৃ-সত্য-রক্ষা-হেতু । কি আশ্চর্য্য ! মরি,—  
 বালাই লইয়া তব, মরি, রঘুমণি, ১২৫

দয়ার সাগর তুমি ! তা না হলে কভু  
রাজ্য-ভোগ ত্যজিতে কি ভ্রাতৃ-প্রেম-বশে ?  
দয়ার সাগর তুমি । কর দয়া মোরে,  
প্রেম-ভিখারিণী আমি তোমার চরণে !

চল শীঘ্র যাই দৌহে স্বর্ণ লঙ্কাধামে । ১৩০

সম পাত্র মানি তোমা, পরম আদরে,  
অর্পিবেন শুভ ক্ষণে রক্ষঃ-কুল-পতি  
দাসীরে কমল-পদে । কিনিয়া, নৃমণি,  
অযোধ্যা-সদৃশ রাজ্য শতেক যৌতুকে,  
হবে রাজা ; দাসী-ভাবে সেবিবে এ দাসী ! ১৩৫

এস শীঘ্র, প্রাণেশ্বর ; আর কথা যত  
নিবেদিব পাদ-পদ্মে বসিয়া বিরলে ।

ক্ষম অশ্রু-চিহ্ন পত্রে ; আনন্দে বহিছে  
অশ্রু-ধারা ! লিখেছে কি বিধাতা এ ভালে  
হেন সুখ, প্রাণসখে ? আসি স্বরা করি,  
প্রশ্নের উত্তর, নাথ, দেহ এ দাসীরে । ১৪০

ইতি শ্রীবীরাক্ষনাকাব্যে সূৰ্পণখাপত্রিকা নাম

পঞ্চম সর্গ ।

## ষষ্ঠ সর্গ

### অর্জুনের প্রতি জ্যোপদী

[ যৎকালে ধর্মরাজ যুধিষ্ঠির পাশক্রোড়ায় পবাজিত ও রাজ্যচ্যুত হইয়া বনে বাস কবেন, বীববব অর্জুন দৈবনিধাতনের নিমিত্ত অস্ত্রশিক্ষার্থ সুরপুবে গমন করিয়াছিলেন। পার্থেব বিরহে কাতবা হইয়া, জ্যোপদী দেবী তাঁহাকে নিম্ন-লিখিত পত্রিকাখানি এক ঋষিপুত্রের সহযোগে প্রেবণ কবিয়াছিলেন। ]

হে ত্রিদশালয়-বাসি, পড়ে কভু মনে

এ পাপ সংসার আর ? কেন বা পড়িবে ?

কি অভাব তব, কাস্ত, বৈজয়ন্ত-ধামে ?

দেব-ভোগ-ভোগী তুমি, দেবসভা-মাঝে

আসীন দেবেন্দ্রাসনে ! সতত আদরে

৫

সেবে তোমা সুরবালা,—গীনপয়োধরা

ঘৃতাচী ; সু-উরু রস্তা ; নিত্য-প্রভাময়ী

স্বয়ম্প্রভা ; মিশ্রকেশী—সুকেশিনী ধনী !

উর্বশী—কলঙ্ক-হীনা শশিকলা দিবে !

নিবিড়-নিতম্বী সহ্য সহ চিত্রলেখা

১০

চারুনেত্রী ; সুমধ্যমা তিলোত্তমা বামা ;

সুলোচনা সুলোচনা ; কেহ গায় সুখে ;

কেহ নাচে,—দিব্য বীণা বাজে দিব্য তালে ;

মন্দার-মণ্ডিত বেণী দোলে পৃষ্ঠদেশে !

কস্তুরী কেশর ফুল আনে কেহ সাথে !

১৫

কেহ বা অধর-মধু যোগায় বিরলে,

সুমৃগাল-ভুজে তোমা বাঁধি, গুণনিধি !

রসিক নাগর তুমি ; নিত্য রসবতী

সুরবালা ;—শত ফুল প্রফুল্ল যে বনে,  
কি সুখে বঞ্চিত, সখে, শিলীমুখ তথা ? ২০

নন্দন-কাননে তুমি আনন্দে, সুমতি,  
ভ্রম নিত্য ! শুনিয়াছি ঋতুরাজ না কি  
সাজান সে বনরাজী বিরাজি সে বনে  
নিরন্তর ; নিরন্তর গায় পাখী শাখে ;  
না শুথায় ফুলকুল ; মণি মুক্তা হীরা ২৫  
স্বর্ণ মরকতে বাঁধা সরোরোধঃ যত !

মন্দ মন্দ সমীরণ বহে দিবা নিশি  
গন্ধামোদে পুরি দেশ । কিন্তু এ বর্ণনে  
কি কাজ ? শুনেছে দাসী কর্ণে মাত্র যাহা,  
নিত্য স্বনয়নে তুমি দেখ তা, নৃমণি ! ৩০

স্বশরীরে স্বর্গভোগ ! কার ভাগ্য হেন  
তোমা বিনা, ভাগ্যবান্, এ ভব-মণ্ডলে ?  
ধন্য নর-কুলে তুমি ! ধন্য পুণ্য তব !

পড়িলে এ সব কথা মনে, শূরমণি,  
কেমনে ভাবিব, হায়, কহ তা আমারে, ৩৫  
অভাগী দাসীর কথা পড়ে তব মনে ?

তবে যদি নিজগুণে, গুণনিধি তুমি,  
ভুলিয়া না থাক তারে,—আশীর্ব্বাদ কর,  
নমে পদে, ধনঞ্জয়, দ্রুপদ-নন্দিনী—  
কৃতাজ্জলি-পুটে দাসী নমে তব পদে ! ৪০

হায়, নাথ, বৃথা জন্ম নারীকুলে মম !  
কেন যে লিখিলা বিধি এ পোড়া কপালে  
হেন তাপ ; কোন্ পাপে দণ্ডিলা দাসীরে  
এরূপে, কে কবে মোরে ? সুধিব কাহারে ?  
রবি-পরায়ণা, মরি, সরোজিনী ধনী, ৪৫

তবু নিত্য সমীরণ কহে তার কানে  
 প্রেমের রহস্য কথা ! অবিরল লুটে  
 পরিমল ! শিলীমুখ, গুঞ্জরি সতত,  
 ( কি লজ্জা ! ) অধব-মধু পান করে সুখে !

সৃজিলা কমলে যিনি, সৃজিলা দাসীরে ৫০

সেই নিদারুণ বিধি ! কারে নিন্দি, কহ,  
 অরিন্দম ? কিন্তু কহি ধর্ম্মে সাক্ষী মানি,  
 গুন তুমি, প্রাণকান্ত ! রবির বিরহে,  
 নলিনী মলিনী যথা মুদিত বিধাদে ;

মুদিত এ পোড়া প্রাণ তোমার বিহনে ! ৫৫

সাধে যদি শত অলি গুঞ্জরিয়া পদে ;

সহস্র মিনতি যদি করে কর্ণ-মূলে  
 সমীরণ, ফোটে কি হে কভু পঙ্কজিনী,  
 কনক-উদয়াচলে না হেরি মিহিরে,

কিরীটি ? আঁধার বিশ্ব এ পোড়া নয়নে, ৬০

হায় রে, আঁধার নাথ, তোমার বিরহে—  
 জীবশূণ্য, রবশূণ্য, মহারণ্য যেন !

আর কি কহিব, দেব, ও রাজীব-পদে ?

পাঞ্চালীর চির-বাঞ্ছা, পাঞ্চালীর পতি  
 ধনঞ্জয় ! এই জানি, এই মানি মনে ।

যা ইচ্ছা করুন ধর্ম্ম, পাপ করি যদি ৬৫

ভালবাসি নুমগিরে,—যা ইচ্ছা, নুমগি !

হেন সুখ ভুঞ্জি, হুঃখ কে ডরে ভুঞ্জিতে ?

যজ্ঞানলে জনমিল দাসী যাজ্ঞসেনী,

জান তুমি, মহাযশা । তরুণ যৌবনে ৭০

রূপ গুণ যশে তব, হায় রে, বিবশা,

বরিনু.তোমায় মনে ! সখীদলে লয়ে

কত যে খেলিছু খেলা, কহিব কেমনে ?  
 বৈদেহীর সুকাহিনী শুনি লোকমুখে  
 শিবের মন্দিরে পশি পুষ্পাঞ্জলি দিয়া, ৭৫  
 পূজিতাম শিবধনুঃ ! কহিতাম সাধে,—  
 ‘ঋষিবেশে স্বপ্ন আশু দেখাও জনকে  
 ( জানি কামরূপ তুমি ! ) দিতে এ দাসীরে  
 সে পুরুষোত্তমে, যিনি দুই খণ্ড করি,  
 হে কোদণ্ড, ভাঙ্গিবেন তোমায় স্ববলে ! ৮০  
 তা হলে পাইব নাথে, বলী-শ্রেষ্ঠ তিনি !’  
 শুনি বৈদভীর কথা, ধরিতাম ফাঁদে  
 রাজহংসে ; দিয়া তারে আহার, পরায়ে  
 সুবর্ণ ঘুংঘুর পায়ে, কহিতাম কানে,—  
 ‘যমুনার তীরে পুরী বিখ্যাত জগতে ৮৫  
 হস্তিনা ;—তথায় তুমি, রাজহংসপতি,  
 যাও শীঘ্র শূন্য পথে, হেরিবে সে পুরে  
 নরোত্তমে ; তাঁর পদে কহিও, দ্রৌপদী  
 তোমার বিরহে মরে ঋপদ-নগরে !’  
 এই কথা কয়ে তারে দিতাম ছাড়িয়া । ৯০  
 হেরিলে গগনে মেঘে, কহিতাম নমি ;—  
 ‘বাহন ষাঁহার তুমি, মেঘ-কুল-পতি,  
 পুত্রবধু তাঁর আমি ; বহ তুলি মোরে,  
 বহ যথা বারি-ধারা, নাথের চরণে !  
 জল-দানে চাতকীরে তোষ দাতা তুমি, ৯৫  
 তোমার বিরহে, হায়, তৃষাতুরা যথা  
 সে চাতকী, তৃষাতুরা আমি, ঘনমণি !  
 মোর সে বারিদ-পদে দেহ মোরে লয়ে !’  
 আর কি শুনিবে, নাথ ? উঠিল যৎকালে

- জনরব,—‘জতুগৃহে দহি মাতৃ-সহ  
 ১০০  
 ত্যজিলা অকালে দেহ পঞ্চ পাণ্ডুরথী’—  
 কত যে কাঁদিবু আমি, কব তা কাহারে ?  
 কাঁদিবু—বিধবা যেন হইবু যৌবনে !  
 প্রার্থিবু রতিরে পূজি,—‘হর-কোপানলে,  
 হে সতি, পুড়িলা যবে প্রাণ-পতি তব,  
 ১০৫  
 কত যে সত্বিলা ছুঃখ, তাই স্মরি মনে,  
 বাঁচাও মদনে মোর,—এই ভিক্ষা মাগি !’  
 পরে স্বয়ম্বরোৎসব । আঁধার দেখিবু  
 চৌদিক, পশিবু যবে রাজসভা-মাঝে !  
 সাধিবু মাটির ফাটি হইতে ছুখানি !  
 ১১০  
 দাড়াইয়া লক্ষ্য-তলে কহিবু, ‘খসিয়া  
 পড় তুমি পোড়া শিরে বজ্রাগ্নি-সদৃশ,  
 হে লক্ষ্য ! জ্বলিয়া আমি মরি তব তাপে,  
 প্রাণ-পতি জতুগৃহে জ্বলিলা যেমতি !  
 না চাহি বাঁচিতে আর ! বাঁচিব কি সাথে ?’  
 ১১৫  
 উঠিল সভায় রব,—‘নারিলা ভেদিতে  
 এ অলক্ষ্য লক্ষ্যে আজি ক্ষত্ররথী যত ।’—  
 জান তুমি, গুণমণি, কি ঘটিল পরে ।  
 ভস্মরাশি মাঝে গুণ বৈশ্বানর-রূপে  
 কি কাজ করিলা তুমি, কে না জানে ভবে,  
 ১২০  
 রথীশ্বর ? বজ্রনাদে ভেদিল আকাশে  
 মৎস্য-চক্ষুঃ তীক্ষ্ণ শর ! সহসা ভাসিল  
 আনন্দ-সলিলে প্রাণ ; শুনিবু সুবাণী  
 ( স্বপ্নে যেন । ) ‘এই তোর পতি, লো পাঞ্চালি !  
 ফুল-মালা দিয়ে গলে, বর নরবরে !’  
 ১২৫  
 চাহিবু-বরিতে, নাথ, নিবারিলা তুমি

অভাগীর ভাগ্য-দোষে ! তা হলে কি তবে  
এ বিষম তাপে, হায়, মরিত এ দাসী ?

কিন্তু বৃথা এ বিলাপ !—ছুঙ্কারি রোষে,  
লক্ষ রাজরথী যবে বেড়িল তোমারে ;

১৩০

অমুরাশি-নাদ সম কমুরাশি যবে  
নাদিল সে স্বয়ম্বরে ;—কি কথা কহিয়া  
সাহসিলা এ দাসীরে, পড়ে কি হে মনে ?

যদি ভুলে থাক তুমি, ভুলিতে কি পারে  
দ্রৌপদী ? আসন্ন কালে সে সুকথাগুলি

১৩৫

জপিয়া মরিব, দেব, মহামন্ত্র-জ্ঞানে !  
কহিলে সম্বোধি মোরে সুমধুর স্বরে ;—  
‘আশারূপে মোর পাশে দাঁড়াও, কপসি !

দ্বিগুণ বাড়িবে বল চন্দ্রমুখ হেরি,

চন্দ্রমুখি ! যত ক্ষণ ফণীন্দ্রের দেহে

১৪০

থাকে প্রাণ, কার সাধ্য হরে শিরোমণি ?

আমি পার্থ !’—ক্ষম, নাথ, লাগিল তিতিতে

অনর্গল অশ্রুজল এ লিপি ! কেন না,—

হায় রে, কেন না আমি মরিবু চরণে

সে দিন !—কি লিখি, হায়, না পাই দেখিতে ।

১৪৫

আঁধা, বঁধু, অশ্রুনিরে এ তব কিঙ্করী !— \* \*

\* \* এত দূর লিখি কালি, ফেলাইবু দূরে  
লেখনৌ । আকুল প্রাণ উঠিল কাঁদিয়া

স্মরি পূর্ব-কথা যত । বসি তরু-মূলে,

হায় রে, তিতিলু, নাথ, নয়ন-আসারে !

১৫০

কে মুছিল চক্ষু-জল ? কে মুছিবে কহ ?

কে আছে এ অভাগীর এ ভব-মণ্ডলে ?

ইচ্ছা করে ত্যজি প্রাণ ডুবি জলাশয়ে ;



কিম্বা পান করি বিষ ; কিন্তু ভাবি যবে,  
 প্রাণেশ, ত্যজিলে দেহ আর না পাইব  
 হেরিতে ও পদযুগ,—সাম্বনি পরাণে,  
 ভুলি অপমান, লজ্জা, চাহি বাঁচিবারে ।  
 অগ্নিতাপে তপ্তা সোনা গলে হে সোহাগে,  
 পায় যদি সোহাগায় ! কিন্তু কহ, রথি,  
 কবে ফিরি আসি দেখা দিবে এ কাননে ?  
 কহ ত্রিদিবের বার্তা । কবীশ্বর তুমি,  
 গাঁথি মধুমাখা গাথা পাঠাও দাসীরে ।  
 ইচ্ছা বড়, গুণমণি, পরিতে অলকে  
 পারিজাত ; যদি তুমি আন সঙ্গে করি,  
 দ্বিগুণ আদরে ফুল পরিব কুস্তলে !  
 শুনেছি কামদা না কি দেবেশ্বের পুরী ;—  
 এ দাসীর প্রতি যদি থাকে দয়া হৃদে,  
 ভুলিতে পার হে যদি সুর-বালা-দলে,  
 এ কামনা কামধুকে কর দয়া করি,  
 পাও যেন অভাগীরে চরণ-কমলে  
 ক্ষণ কাল ! জুড়াইব নয়ন স্মৃতি  
 ও রূপ-মাধুরী হেরি,—ভুলি এ বিচ্ছেদে ;  
 অঙ্গরা-বল্লভ তুমি ; নর-নারী দাসী ;  
 তা বল্যে করো না ঘৃণা—এ মিনতি পদে !  
 স্বর্ণ-অলঙ্কার যারা পরে শিরোদেশে,  
 কর্তে, হস্তে ; পরে না কি রজত চরণে ?  
 কি ভাবে কাটাই কাল এ বিকট বনে  
 আমরা, কহিব এবে, শুন, গুণনিধি ।  
 ধর্ম-কর্ম-রত সদা ধর্মরাজ-ঋষি ;  
 ধোম্য পুরোহিত নিত্য তুষেন রাজনে

১৫৫

১৬০

১৬৫

১৭০

১৭৫

১৮০

শাস্ত্রালাপে । মৃগয়ায় রত ভ্রাতা তব  
মধ্যম ; অনুজ-দ্বয়, মহা-ভক্তিভাবে,  
সেবেন অগ্রজ-দ্বয়ে ; যথা সাধ্য, দাসী  
নির্ব্বাহে, হে মহাবাহু, গৃহ-কার্য্য যত ।

কিন্তু ক্ষুণ্ণমনা সবে তোমার বিহনে !

১৮৫

স্মরি তোমা অশ্রুণীরে তিতেন নৃপতি,  
আর তিন ভাই তব । স্মরিয়া তোমাতে,  
আকুল এ পোড়া প্রাণ, হায়, দিবা নিশি ।  
পাই যদি অবসর, কুটীর তেয়াগি

স্মৃতি-দুতী সহ, নাথ, ভ্রমি একাকিনী,  
পূর্ব্বের কাহিনী যত শুনি তাঁর মুখে !

১৯০

পাণ্ডব-কুল-ভরসা, মহেশ্বাস, তুমি !

বিমুখিবে তুমি, সখে, সম্মুখ-সমরে  
ভীষ্ম দ্রোণ কর্ণ শূরে ; নাশিবে কৌরবে !

বসাইবে রাজাসনে পাণ্ডু-কুল-রাজে ;—

১৯৫

এই গীত গায় আশা নিত্য এ আশ্রমে !  
এ সঙ্গীত-ধ্বনি, দেব, শুনি জাগরণে ।

শুনি স্বপ্নে নিশাভাগে এ সঙ্গীত-ধ্বনি !

কে শিখায় অস্ত্র তোমা, কহ, সুরপুরে,

অস্ত্রী-কুল-গুরু তুমি ? এই সুর-দলে

২০০

প্রচণ্ড গাণ্ডীব-তুমি টঙ্কারি হংকারে,  
দমিলা খাণ্ডব-রণে ! জিনিলা একাকী  
লক্ষরাজে, রথীরাজ, লক্ষ্য-ভেদ-কালে ।

নিপাতিলা ভূমিতলে বলে ছদ্মবেশী

কিরাতেরে ! এ ছলনা, কহ, কি কারণে ?

২০৫

এস ফিরি, নররত্ন ! কে ফেরে বিদেশে  
যুবতী পত্নীরে ঘরে রাখি একাকিনী ?

কিন্তু যদি সুরনারী প্রেম-ফাঁদ পাতি  
বেঁধে থাকে মনঃ, বঁধু, স্মর ভ্রাতৃ-ত্রয়ে—  
তোমার বিরহ-ছুঃখে ছুঃখী অহরহ !

২১০

আর কি অধিক কব ? যদি দয়া থাকে,  
আসি দেখ কি দশায় তোমার বিরহে,  
কি দশায়, প্রাণেশ্বর, নিবাসি এ দেশে !

পাইয়াছি দৈবে, দেব, এ বিজন বনে  
ঋষিপত্নী পুণ্যবতী ; পূর্ব পুণ্য-বলে  
শ্বেচ্ছাচর পুত্র তাঁর ! তেজস্বী সুশিশু  
দিবামুখে রবি যেন ! বেদ-অধ্যয়নে  
সদা রত ! দয়া করি বহিবেন তিনি,  
মাতৃ-অনুরোধে পত্র, দেবেন্দ্র-সদনে ।

২১৫

যথাবিধি পূজা তাঁর করিও, স্মৃতি ।  
লিখিলে উত্তর তিনি আনিবেন হেথা ।  
কি কহিগু, নরোত্তম ? কি কাজ উত্তরে ?  
পত্রবহ সহ ফিরি আইস এ বনে !

২২০

ইতি শ্রীবীরান্ধনাকাব্যে দ্রৌপদী-পত্রিকা নাম  
ষষ্ঠ সর্গ ।

## সপ্তম সর্গ

### দুর্যোধনের প্রতি ভানুমতী

[ ভগবদ্গুণ্ডী ভানুমতী দেবী বাজা দুর্যোধনের পত্নী । কুরুশ্রেষ্ঠ দুর্যোধন পাণ্ডবকুলের সহিত কুরুক্ষেত্রে যাত্রা করিলে অল্প দিনের মধ্যে রাজমহিষী ভানুমতী তাঁহার নিকট নিম্নলিখিত পত্রিকাখানি প্রেরণ কবিয়াছিলেন । ]

অধীর সতত দাসী, যে অবধি তুমি

করি যাত্রা পশিয়াছ কুরুক্ষেত্র-রণে !

নাহি নিদ্রা ; নাহি রুচি, হে নাথ, আহারে !

না পারি দেখিতে চখে খাণ্ডদ্রব্য যত ।

কভু যাই দেবালয়ে ; কভু রাজোষ্ঠানে ;

কভু গৃহ-চূড়ে উঠি, দেখি নিরখিয়া

রণ-স্থল । রেণু-রাশি গগন আবরে

ঘন ঘনজালে যেন ; জ্বলে শর-রাশি ;

বিজলীর ঝলা সম ঝলসি নয়নে !

শুনি দূর সিংহনাদ, দূর শঙ্খ-ধ্বনি,

কাঁপে হিয়া ধরথরে ! যাই পুনঃ ফিরি ।

স্বস্তের আড়ালে, দেব, দাঁড়িয়ে নীরবে,

শুনি সঞ্জয়ের মুখে যুদ্ধের বারতা,

যথা বসি সভান্তলে অন্ধ নরপতি !

কি যে শুনি, নাহি বুঝি—আমি পাগলিনী !

মনের জ্বালায় কভু জলাঞ্জলি দিয়া

লজ্জায়, পড়িয়া কাঁদি শাশুড়ীর পদে,

নয়ন-আসারে ধৌত করি পা ছুখানি ।

নাহি সরে কথা মুখে, কাঁদি মাত্র খেদে ।

নারি সাত্বনিত্তে মোরে, কাঁদেন মহিষী ;

৫

১০

১৫

২০

কাঁদে কুরু-বধু যত ! কাঁদে উচ্চ-রবে,  
 মায়ের আঁচল ধরি, কুরু-কুল-শিশু,  
 তিতি অশ্রুণীরে, হায়, না জানি কি হেতু !  
 দিবা নিশি এই দশা রাজ-অবরোধে ।

কুক্ষণে মাতুল তব—ক্ষম ছুঃখিনীরে !— ২১  
 কুক্ষণে মাতুল তব, ক্ষত্র-কুল-গ্নানি,  
 আইল হস্তিনাপুরে ! কুক্ষণে শিখিলা  
 পাপ অক্ষবিদ্যা, নাথ, সে পাপীর কাছে !  
 এ বিপুল কুল, মরি, মজালে দুঃস্মৃতি,  
 কাল-কলিরূপে পশি এ বিপুল-কুলে । ৩০

ধর্মশীল কর্ষক্ষেত্রে ধর্মরাজ-সম  
 কে আছে, কহ তা, শুনি ? দেখ ভীমসেনে,  
 ভীম পরাক্রমী শূর, দুর্ব্বার সমরে !  
 দেব-নর-পূজ্য পার্থ—অব্যর্থ প্রহরী !  
 কত গুণে গুণী, নাথ, নকুল স্মৃতি, ৩৫  
 সহ শিষ্ট সহদেব, জান না কি তুমি ?  
 মেদিনী-সদনে রমা দ্রুপদ-নন্দিনী !  
 কার হেতু এ সবারে ত্যজিলা, ভূপতি ?  
 গঙ্গাজল-পূর্ণ ঘটে, হায়, ঠেলি ফেলি,  
 কেন অবগাহ দেহ কর্ষনাশা-জলে ? ৪০  
 অবহেলি দ্বিজোক্তমে চণ্ডালে ভকতি ?  
 অশ্ব-বিশ্ব, নীরবন্দ ফুলদূর্ব্বাদলে  
 নহে মুক্তাফল, দেব ! কি আর কহিব ?  
 কি ছলে ভুলিলা তুমি, কে কবে আমারে ?

এখনও দেহ ক্ষমা, এই ভিক্ষা মাগি, ৪৫  
 ক্ষত্রমণি ! ভাবি দেখ,—চিত্রসেন যবে,  
 কুরুবধুদলে বাঁধি তব সহ রথে,

চলিল গন্ধর্বদেশে, কে রাখিল আসি  
কুলমান প্রাণ তব, কুরুকুলমণি ?  
বিপদে হেরিলে অরি, আনন্দ-সলিলে ৫০

ভাসে লোক ; তুমি যার পরমারি, রাজা,  
ভাসিল সে অশ্রুণীরে তোমার বিপদে !  
হে কৌরবকুলনাথ, তীক্ষ্ণ শরজালে  
চাহ কি বধিতে প্রাণ তাহার সংগ্রামে,  
প্রাণ, প্রাণাধিক মান রক্ষিল যে তব ৫৫

অসহায় যবে তুমি,—হায়, সিংহ-সম,  
আনায়-মাঝারে বদ্ধ রিপূর কৌশলে ?  
—হে দয়া, কি হেতু, মাতঃ, এ পাপ সংসারে  
মানব-হৃদয়ে তুমি কর গো বসতি !

কেন গর্বী কর্ণে তুমি কর্ণদান কর, ৬০  
রাজেন্দ্র ? দেবতাকুলে জিনিল যে রণে ;  
তোমা সহ কুরুসৈন্যে দলিল একাকী  
মৎস্যদেশে ; অঁটিবে কি রাধেয় তাহারে ?  
হায়, বৃথা আশা, নাথ ! শৃগাল কি কভু  
পারে বিমুখিতে, কহ, মুগেন্দ্র সিংহেরে ? ৬৫

স্মৃতপুত্র সখা তব ? কি লজ্জা, নৃমণি,  
তুমি চন্দ্রবংশচূড়, ক্ষত্রবংশপতি ?

জানি আমি ভীমবাহু ভীষ্ম পিতামহ ;  
দেব-নর-ত্রাস বীর্যে জ্রোণাচার্য্য গুরু ।  
স্নেহপ্রবাহিণী কিন্তু এ দৌহার বহে ৭০  
পাণ্ডবসাগরে, কাস্ত, কহিলু তোমারে !  
যদিও না হয় তাহা ; তবুও কেমনে,  
হায় রে, প্রবোধি, নাথ, এ পোড়া হৃদয়ে ?—  
উত্তর-গোগৃহ-রণে জিনিল কিরীটা ।

একাকী এ বীরদ্বয়ে । সৃজিলা কি, তুমি,  
দাবাগ্নির রূপে, বিধি, জিযু ফাল্গুনীরে  
এ দাসীর আশা-বন নাশিতে অকালে ?

৭৫

শুন, নাথ ; নিদ্রা-আশে মুদি যদি কভু  
এ পোড়া নয়ন ছুটি ; দেখি মহাভয়ে  
শ্বেত-অশ্ব কপিধ্বজ স্তন্দন সম্মুখে ।

৮০

রথমধ্যে কালরূপী পার্থ । বাম করে  
গাণ্ডীব,—কোদণ্ডোত্তম । ইরম্মদ-তেজা  
মর্শ্বেভেদী দেব-অস্ত্র শোভে হে দক্ষিণে !

কাঁপে হিয়া ভাবি শুনি দেবদত্ত-ধ্বনি ।

গরজে বায়ুজ ধ্বজে কাল মেঘ যেন !

৮৫

ঘর্ঘরে গম্ভীর রবে চক্র, উগরিয়া

কালাগ্নি । কি কব, দেব, কিরীটের আভা ?

আহা, চন্দ্রকলা যেন চন্দ্রচূড়-ভালে ।

উজলিয়া দশ দিশ, কুরুসৈন্য-পানে

ধায় রথবর বেগে ! পালায় চৌদিকে

৯০

কুরুসৈন্য,—তমঃ-পুঞ্জ রবির দর্শনে

যথা । কিম্বা বিহঙ্গম হেরিলে অদূরে

বজ্রনথ বাজে যথা পালায় কুজনি

ভীতচিত ; মিলি আঁখি অমনি কাঁদিয়া !

কি কব ভীমের কথা ? মদকল-করী-

৯৫

সদৃশ উন্নদ ভ্রষ্ট নিধন-সাধনে !

জ্বায়ুগ-সম আঁখি—রক্তবর্ণ সদা ।

মার, মার শব্দ মুখে ! ভীম গদা হাতে,

দগুধর-হাতে, হায়, কালদগু যথা !

শুনেছি লোকের মুখে, দেব-সমাগমে

১০০

ধরিলা গুরস্তে গর্ভে কুস্তী ঠাকুরাণী ।

কিন্তু যদি দেব পিতা, যমরাজ তবে—  
সর্ব্ব-অস্তুকারী যিনি ! ব্যাঘ্রী বুঝি দিল  
হৃৎ হৃষ্টে ! নর-নারী-স্তন-হৃৎ কভু  
পালে কি, কহ, হে নাথ, হেন নর-যমে ?

১০৫

বাড়িতে লাগিল লিপি ; তবুও কহিব  
কি কুষ্মপ, প্রাণনাথ, গত নিশাকালে  
দেখিহু ;—বুঝিয়া দেখ, বিজ্ঞতম তুমি :  
আকুল সতত প্রাণ, না পারি বুঝিতে  
এ কুহক ! গত রাত্রে বসি একাকিনী  
শয়নমন্দিরে তব—নিরানন্দ এবে—

১১০

কাঁদিহু ! সহসা, নাথ, পুরিল সৌরভে  
দশ দিশ ; পূর্ণচন্দ্র-আভা জিনি আভা  
উজ্জ্বলিল চারি দিক ; দাসীর সম্মুখে  
দাঁড়াইলা দেববালা—অতুলা জগতে !

১১৫

চমকি চরণযুগে নমিহু সভয়ে ।  
মুছিয়া নয়নজল, কহিলা কাতরে  
বিধুমুখী,—‘বৃথা খেদ, কুরুকুলবধু,  
কেন তুমি কর আর ? কে পারে খণ্ডাতে  
বিধির বাঁধন, হায়, এ ভবমণ্ডলে ?

১২০

ওই দেখ যুদ্ধক্ষেত্র !’—দেখিহু তঁরাসে,  
যত দূর চলে দৃষ্টি, ভীম রণভূমি !  
বহিছে শোণিত-শ্রোত প্রবাহিণীরূপে ;  
পড়িয়াছে গজরাজি, শৈলশৃঙ্গ যেন  
চূর্ণ বজ্রে ; হতগতি অশ্ব ; রথাবলী

১২৫

ভগ্ন ; শত শত শব ! কেমনে বর্ণিব  
কত যে দেখিহু, নাথ, সে কাল মশানে ।  
দেখিহু রথীন্দ্র এক শরশযোপরি !



আর এক মহারথী পতিত ভূতলে,  
 কণ্ঠে শূন্যগুণ ধনু ;—দাঁড়িয়ে নিকটে, ১৩০  
 আক্ষালিছে অসি অরি-মস্তক ছেদিতে !  
 আর এক বীরবরে দেখিনু শয়নে  
 ভূশয্যায় ! রোষে মহী গ্রাসিয়াছে ধরি  
 রথচক্র ; নাহি বক্ষে কবচ ; আকাশে  
 আভাহীন ভানুদেব,—মহাশোকে যেন ! ১৩৫  
 অদূরে দেখিনু হৃদ ; সে হৃদের তীরে  
 রাজরথী একজন যান গড়াগড়ি  
 ভগ্ন-উক ! কাঁদি উচ্ছে, উঠিনু জাগিয়া !  
 কেন এ কুম্ভপ, দেব, দেখাইলা মোরে ?  
 এস তুমি, প্রাণনাথ, রণ পরিহরি ! ১৪০  
 পঞ্চখানি গ্রাম মাত্র মাগে পঞ্চরথী ।  
 কি অভাব তব, কহ ? তোষ পঞ্চ জনে ;  
 তোষ অন্ধ বাপ মায়ে ; তোষ অভাগীরে ;—  
 রক্ষ কুরুকুল, ওহে কুরুকুলমণি !

ইতি শ্রীবীরাস্ত্রনাকাব্যে ভাহুমতী-পত্রিকা নাম  
 সপ্তম সর্গ ।

## অষ্টম সর্গ

### জয়দ্রথের প্রতি হুঃশলা

[ অন্ধরাজ ধৃতবাহুব কন্যা হুঃশলা দেবী সিদ্ধদেশাধিপতি জয়দ্রথের মহিমা ।  
অভিমন্যুর নিখনানস্তব পার্থ যে প্রতিজ্ঞা কবিয়াছিলেন, তচ্ছ্ৰু বণে হুঃশলা দেবী  
নিতান্ত ভীতা হইয়া নিম্নলিখিত পত্রিকাখানি জয়দ্রথের নিকট প্রেরণ  
কবেন । ]

কি যে লিখিয়াছে বিধি এ পোড়া কপালে,  
হায়, কে কহিবে মোরে,—জ্ঞানশূন্য আমি ।  
শুন, নাথ, মনঃ দিয়া ;—মধ্যাহ্নে বসিনু  
অন্ধ পিতৃপদতলে, সঞ্জয়ের মুখে  
শুনিতে রণের বার্তা । কহিলা স্মৃতি— ৫  
( না জানি পূর্বের কথা ; ছিনু অবরোধে  
প্রবোধিতে জননীরে ; ) কহিলা স্মৃতি  
সঞ্জয়,—‘বেড়িল পুনঃ সপ্ত মহারথী  
সুভদ্রানন্দনে, দেব ! কি আশ্চর্য্য, দেখ—  
অগ্নিময় দশ দিশ পুনঃ শরানলে ! ১০  
প্রাণপণে যোঝে যোধ ; হেলায় নিবারে  
অস্ত্রজালে শূরসিংহ ! ধন্য শূরকুলে  
অভিমন্যু !’ নীরবিলা এতেক কহিয়া  
সঞ্জয় । নীরবে সবে রাজসভাতলে  
সঞ্জয়ের মুখপানে রহিলা চাহিয়া । ১৫  
‘দেখ, কুরুকুলনাথ,—পুনঃ আরস্তিলা  
দূরদর্শী,—ভঙ্গ দিয়া রণরঙ্গে পুনঃ  
পালাইছে সপ্তরথী ! নাদিছে ভৈরবে  
আর্জুনি, পাবক যেন গহন বিপিনে ।

পড়িছে অগণ্য রথী, পদাতিক-ব্রজ ;

২০

গরজি মরিছে গজ বিষম পীড়নে ;

সভয়ে হেঁষিছে অশ্ব ! হায়, দেখ চেয়ে,

কাঁদিছেন পুত্র তব দ্রোণশুকপদে !—

মজিল কৌরব আজি আর্জুনির রণে !’

কাঁদালা আক্ষেপে পিতা ; কাঁদিয়া মুছিনু

২৫

অশ্রুধারা । দূরদর্শী আবার কহিলা ;—

‘ধাইছে সমরে পুনঃ সপ্ত মহারথী,

কুরুরাজ ! লাগে তালি কর্ণমূলে শুনি

কোদণ্ড টংকার, প্রভু ! বাজিল নির্ঘোষে

ঘোর রণ ! কোন রথী গুণসহ কাটে

৩০

ধনু ; কেহ রথচূড়, রথচক্র কেহ ।

কাটিয়া পাড়িলা দ্রোণ ভীম-অস্ত্রাঘাতে

কবচ ; মরিল অশ্ব ; মরিল সারথি !

রিক্তহস্ত এবে বীর, তবুও যুঝিছে

মদকল হস্তী যেন মত্ত রণমদে !’—

৩৫

নীরবিয়া ক্ষণকাল, কহিলা কাতরে

পুনঃ দূরদর্শী ;—‘আহা ! চিররাজ-গ্রাসে

এ পোরব-কুল-ইন্দু পড়িলা অকালে !

অন্যায় সমরে, নাথ, গতজীব, দেখ,

আর্জুনি ! হুঙ্কারে, শুন, সপ্ত জয়ী রথী,

৪০

নাদিছে কৌরবকুল জয় জয় রবে !

নিরানন্দে ধর্মরাজ চলিলা শিবিরে ।’

হরষে বিষাদে পিতা, শুনি এ বারতা,

কাঁদালা ; কাঁদিয়া আমি । সহসা ত্যজিয়া

আসন সঞ্জয় বৃধ, কৃতাঞ্জলি পুটে,

৪৫

কহিলা সভয়ে,—‘উঠ, কুরুকুলপতি !

পুঞ্জ কুলদেবে শীঘ্র জামাতার হেতু !  
ওই দেখ কপিধ্বজে ধাইছে ফাল্গুনী  
অধীর বিষম শোকে ! গরজে গস্তীরে  
হনু স্বর্ণরথচূড়ে ! পড়িছে ভূতলে

৫০

খেচর ; ভূচরকুল পালাইছে দূরে !  
ঝকঝকে দিব্য বর্ষ্ম ; খেলিছে কিরীটে  
চপলা ; কাঁপিছে ধরা থর থর থরে !

পাণ্ডু-গণ্ড ত্রাসে কুরু ; পাণ্ডু-গণ্ড ত্রাসে  
আপনি পাণ্ডব, নাথ, গাণ্ডীবীর কোপে !

৫৫

মুহুমূহুঃ ভীমবাহু টংকারিছে বামে  
কোদণ্ড—ব্রহ্মাণ্ডত্রাস ! শুন কর্ণ দিয়া,  
কহিছে বীরেশ রোষে ভৈরব নিনাদে ;—

‘কোথা জয়দ্রথ এবে,—রোধিল যে বলে  
বৃহমুখ ? শুন, কহি, ক্ষত্ররথী যত ;

৬০

তুমি, হে বসুধা, শুন ; তুমি জলনিধি ;  
তুমি, স্বর্গ, শুন ; তুমি, পাতাল, পাতালে ;  
চন্দ্র, সূর্য্য, গ্রহ, তারা, জীব এ জগতে  
আছ যত, শুন সবে ! না বিনাশি যদি  
কালি জয়দ্রথে রণে, মরিব আপনি !

৬৫

অগ্নিকুণ্ডে পশি তবে যাব ভূতদেশে,  
না ধরিব অস্ত্র আর এ ভব-সংসারে !’—

অজ্ঞান হইয়া আমি পিতৃপদতলে  
পড়িছ ! যতনে মোরে আনিয়াছে হেথা—  
এই অন্তঃপুরে—চেড়ী পিতার আদেশে ।

৭০

কহ এ দাসীরে, নাথ ; কহ সত্য করি ;  
কি দোষে আবার দোষী জিষ্ণুর সকাশে  
তুমি ? পূর্ব্বকথা স্মরি চাহে কি দণ্ডিতে

তোমায় গাণ্ডীবী পুনঃ ? কোথায় রোধিলে  
কোন্ ব্যাহমুখ তুমি, কহ তা আমারে ?  
কহ শীঘ্র, নহে, দেব, মরিব তরাসে !  
কাঁপিছে এ পোড়া হিয়া খরখর করি !  
আঁধার নয়ন, হায়, নয়নের জলে !  
নাহি সরে কথা, নাথ, রসশূন্য মুখে !

৭৫

কাল অজাগর-গ্রাসে পড়িলে কি বাঁচে  
প্রাণী ? ক্ষুধাতুর সিংহ ঘোর সিংহনাদে  
ধরে যবে বনচরে, কে তারে তাহারে ?  
কে কহ, রক্ষিবে তোমা, ফাল্গুনী রুধিলে ?

৮০

হে বিধাতঃ, কি কুক্ষণে, কোন্ পাপদোষে

আনিলে নাথেরে হেথা, এ কাল সমরে  
তুমি ? শুনিয়াছি আমি, যে দিন জন্মিলা  
জ্যেষ্ঠ ভ্রাতা, অমঙ্গল ঘটিল সে দিনে !  
নাদিল কাতরে শিবা ; কুকুর কাঁদিল  
কোলাহলে ; শূন্যমার্গে গর্জিল ভীষণে  
শকুনি গৃধ্রিনীপাল ! কহিলা জনকে

৮৫

বিজুর,—সুমতি তাত ! 'ত্যজ এ নন্দনে,

কুরুরাজ ! কুরুবংশ-ধ্বংসরূপে আজি

অবতীর্ণ তব গৃহে !' না শুনিলা পিতা

সে কথা ! ভুলিলা, হায়, মোহের ছলনে !

ফলিল সে ফল এবে, নিশ্চয় ফলিল !

৯১

শরশয্যাগত ভীষ্ম, বৃদ্ধ পিতামহ—

পৌরব-পঙ্কজ-রবি চির রাহুগ্রাসে !

বীর্য্যাকুর অভিমন্যু হতজীব রণে !

কে ফিরে আসিবে বাঁচি এ কাল সমরে ?

এস তুমি, এস নাথ, রণ পরিহরি !

১০০

ফেলি দূরে বর্ষ, চর্ম, অসি, তুণ, ধনু,  
 ত্যজি রথ, পদত্রজে এস মোর পাশে ।  
 এস, নিশাযোগে দৌহে যাইব গোপনে  
 যথায় সুন্দরী পুরী সিঙ্কনদতীরে  
 হেরে নিজ প্রতিমূর্ত্তি বিমল সলিলে, ১০৫  
 হেরে হাসি সুবদনা সুবদন যথা

দর্পণে ! কি কাজ রণে তোমার ? কি দোষে  
 দোষী তব কাছে, কহ, পঞ্চপাণ্ডু রথী ?  
 চাহে কি হে অংশ তারা তব রাজ্যধনে ?  
 তবে যদি কুরুরাজে ভাল বাস তুমি, ১১০  
 মম হেতু, প্রাণনাথ ; দেখ ভাবি মনে,  
 সমপ্রেমপাত্র তব কুন্তীপুত্র বলী ।

ভ্রাতা মোর কুরুরাজ ; ভ্রাতা পাণ্ডুপতি !  
 এক জন জগ্গে কেন ত্যজ অগ্ন জনে,  
 কুটুম্ব উভয় তব ?—আর কি কহিব ? ১১৫  
 কি ভেদ হে নদদ্বয়ে, জন্ম হিমাদ্রিতে ?

তবে যদি গুণ দোষ ধর, নরমণি ;—  
 পাপ অক্ষত্রীড়া-ফাঁদ কে পাতিল, কহ ?  
 কে আনিল সভাতলে ( কি লজ্জা ! ) ধরিয়া  
 রজস্বলা ভ্রাতৃবধু ? দেখাইল তাঁরে ১২০  
 উরু ? • কাড়ি নিতে তাঁর বসন চাহিল—  
 উলঙ্গিতে অঙ্গ, মরি, কুলাঙ্গনা তিনি ?  
 ভ্রাতার সুকীর্্ত্তি যত, জান না কি তুমি ?  
 লিখিতে শরমে,; নাথ, না সরে লেখনী !

এস শীঘ্র, প্রাণসখে, রণভূমি ত্যজি ! ১২৫  
 নিন্দে যদি বীরবৃন্দ তোমায়, হাসিও  
 স্বমন্দিরে বসি তুমি ! কে না জানে, কহ,

মহারথী রথীকূলে সিদ্ধু-অধিপতি ?  
 যুদ্ধেছ অনেক যুদ্ধে ; অনেক বধেছ  
 রিপু ; কিন্তু এ কোন্সুয়, হায়, ভবধামে ১৩০  
 কে আছে প্রহরী, কহ, ইহার সদৃশ ?  
 ক্ষত্রকুল-রথী তুমি, তবু নরযোনি ;  
 কি লাজ তোমার, নাথ, ভঙ্গ যদি দেহ  
 রণে তুমি হেরি পার্থে, দেবযোনি-জয়ী ?  
 কি করিলা আখণ্ডল খাণ্ডব দাহনে ? ১৩৫  
 কি করিলা চিত্রসেন গন্ধর্বাধিপতি ?  
 কি করিলা লক্ষ রাজা স্বয়ম্বর কালে ?  
 স্বর, প্রভু ! কি করিলা উত্তর গোগৃহে  
 কুরুসৈন্য নেতা যত পার্থের প্রতাপে ?  
 এ কালায়ি কুণ্ডে, কহ, কি সাধে পশিবে ? ১৪০  
 কি সাধে ডুবিবে, হায়, এ অতল জলে ?  
 ভুলে যদি থাক মোরে, ভুল না নন্দনে,  
 সিদ্ধুপতি ;—মণিভদ্রে ভুল না, নুমণি !  
 নিশার শিশির যথা পালয়ে মুকূলে  
 রসদানে ; পিতৃস্নেহ, হায় রে, শৈশবে ১৪৫  
 শিশুর জীবন, নাথ, কহিহু তোমারে !  
 জানি আমি কহিতেছে আশা তব কানে—  
 মায়াবিনী ।—‘দ্রোণ গুরু সেনাপতি এবে ;  
 দেখ কর্ণ ধনুর্দ্ধরে ; অশ্বখামা শূরে ;  
 কৃপাচার্য্যে ; ছুর্য্যোধনে—ভীম গদাপাণি ! ১৫০  
 কাহারে ডরাও তুমি, সিদ্ধুদেশপতি ?  
 কে সে পার্থ ? কি সামর্থ্য তাহার নাশিতে  
 তোমায় ?’—শুন না, নাথ, ও মোহিনী বাণী !  
 হায়, মরীচিকা আশা ভব-মরুভূমে !

মুদি অঁখি ভাব,—দাসী পড়ি পদতলে ; ১৫৫  
 পদতলে মণিভজ্র কাঁদিছে নীরবে !

ছন্নবেশে রাজদ্বারে থাকিব দাঁড়িয়ে  
 নিশীথে ; থাকিবে সঙ্গে নিপুণিকা সখী,  
 লয়ে কোলে মণিভজ্রে । এসো ছন্নবেশে,  
 না কয়ে কাহারে কিছু ! অবিলম্বে যাব ১৬০  
 এ পাপ নগর ত্যজি সিন্ধুরাজ্যে !  
 কপোতমিথুন সম যাব উড়ি নীড়ে !—  
 ঘটুক যা থাকে ভাগ্যে কুরু পাণ্ডু কুলে !

ইতি শ্রীবীরাজনাকাব্যে দুঃশলা-পত্রিকা নাম  
 অষ্টম সর্গ ।



## নবম সর্গ

### শান্তনুর প্রতি জাহ্নবী

[জাহ্নবী দেবীর বিবহে রাজা শান্তনু একান্ত কাতব হইয়া বাজ্যাদি পবিত্যাগপূর্বক বহু দিবস গঙ্গাতীরে উদাসীনভাবে কালাতিপাত করেন। অষ্টম বসু অবতার দেবব্রত ( যিনি মহাভারতীয় ইতিবৃত্তে ভীষ্ম পিতামহ নামে প্রথিত ) বয়ঃপ্রাপ্ত হইলে জাহ্নবী দেবী নিম্নলিখিত পত্রিকাখানিব সহিত পুত্রবরকে বাজসম্মিধানে প্রেবণ করিয়াছিলেন। ]

বৃথা তুমি, নরপতি, ভ্রম মম তীরে,—

বৃথা অশ্রুজল তব, অনর্গল বহি,

মম জলদল সহ মিশে দিবানিশি !

ভুল ভূতপূর্ব কথা, ভুলে লোক যথা

স্বপ্ন—নিদ্রা-অবসানে। এ চিরবিচ্ছেদে

৫

এই হে ঔষধ মাত্র, কহিহু তোমারে !

হর-শির-নিবাসিনী হরপ্রিয়া আমি

জাহ্নবী। তবে যে কেন নরনারীরূপে

কাটাইহু এত কাল তোমার আলয়ে,

কহি, শুন। ঋষিশ্রেষ্ঠ বশিষ্ঠ সরোষে

১০

ভূতলে জন্মিতে শাপ দিলা বসুদলে

যে দিন, পড়িল তারা কাঁদি মোর পদে,

করিয়া মিনতি স্তুতি নিষ্কৃতির আশে।

দিহু বর—‘মানবিনী ভাবে ভবতলে

ধরিব এ গর্ভে আমি তোমা সবাকারে।’

১৫

বরিহু তোমারে সাধে, নরবর তুমি,

কৌরব ! ঔরসে তব ধরিহু উদরে

অষ্ট শিশু,—অষ্ট বসু তারা, নরমণি !

- ফুটিল এক মৃগালে অষ্ট সরোরুহ !  
 কত যে পুণ্য হে তব, দেখ ভাবি মনে । ২০
- সপ্ত জন ত্যজি দেহ গেছে স্বর্গধামে ।  
 অষ্টম নন্দনে আজি পাঠাই নিকটে ;  
 দেবনররূপী রত্নে গ্রহ যত্নে তুমি,  
 রাজন্ ! জাহ্নবীপুত্র দেবব্রত বলী  
 উজ্জলিবে বংশ তব, চন্দ্রবংশপতি ;— ২৫
- শোভিবে ভারত-ভালে শিরোমণিরূপে,  
 যথা আদিপিতা তব চন্দ্রচূড়-চূড়ে !  
 পালিয়াছি পুত্রবরে আদরে, নৃমণি,  
 তব হেতু । নিরখিয়া চন্দ্রমুখ, ভুল  
 এ বিচ্ছেদ-দুঃখ তুমি । অখিল জগতে, ৩০
- নাহি হেন গুণী আর, কহিহু তোমাতে ।  
 মহাচল-কুল-পতি হিমাচল যথা ;  
 নদপতি সিঙ্খনদ ; বন-কুলপতি  
 খাণ্ডব ; রথীন্দ্রপতি দেবব্রত রথী—  
 বশিষ্ঠের শিষ্যশ্রেষ্ঠ ! আর কব কত ? ৩৫
- আপনি বাগ্‌দেবী, দেব, রসনা-আসনে  
 আসীনা ; হৃদয়ে দয়া, কমলে কমলা ;  
 যমসম বল ভুঞ্জে ! গহন বিপিনে  
 যথা সর্বভুক্‌ বহ্নি, তুর্বার সমরে !  
 তব পুণ্যবৃক্ষ-ফল এই, নরপতি ! ৪০
- স্নেহের সরসে পদ্ম ! আশার আকাশে  
 পূর্ণশশী ! যত দিন ছিহু তব গৃহে,  
 পাইহু পরম প্রীতি ! কৃতজ্ঞতাপাশে  
 বেঁধেছ আমাদের তুমি ; অভিজ্ঞানরূপে  
 দিতেছি এ রত্ন আমি, গ্রহ, শাস্ত্রমতি । ৪৫

পত্নীভাবে আর তুমি ভেবো না আমারে ।

অসীম মহিমা তব ; কুল মান ধনে

নরকুলেশ্বর তুমি এ বিশ্বমণ্ডলে !

তরুণ যৌবন তব ;—যাও ফিরি দেশে ;—

কাতরা বিরহে তব হস্তিনা নগরী !

৫০

যাও ফিরি, নরবর, আন গৃহে বরি

বরাঙ্গী রাজেন্দ্রবালে ; কর রাজ্য সুখে !

পাল প্রজা ; দম রিপু ; দণ্ড পাপাচারে—

এই হে স্বরাজনীতি ;—বাড়াও সতত

সতের আদর সাধি সংক্রিয়া যতনে !

৫৫

বরিও এ পুত্রবরে যুবরাজ-পদে

কালে । মহাযশা পুত্র হবে তব সম,

যশস্বি ; প্রদীপ যথা জ্বলে সমতেজে

সে প্রদীপ সহ, যার তেজে সে তেজস্বী !

কি কাজ অধিক কয়ে ? পূর্বকথা ভুলি,

৬০

করি ধৌত ভক্তিরসে কামগত মনঃ,

প্রণম সাষ্টাঙ্গে, রাজা ! শৈলেন্দ্রনন্দিনী

রুদ্রেন্দ্রগৃহিণী গঙ্গা আশীষে তোমারে !

যত দিন ভবধামে রহে এ প্রবাহ,

ঘোষিবে তোমার যশ, গুণ, ভবধামে !

৬৫

কহিবে ভারতজন,—ধন্য ক্ষত্রকুলে

শাস্ত্রু, তনয় ষাঁর দেবব্রত রথী !

লয়ে সঙ্গে পুত্রধনে যাও রঙ্গে চলি

হস্তিনায়, হস্তিগতি ! অন্তরীক্ষে থাকি

তব পুরে, তব সুখে হইব হে স্মৃথী,

৭০

তনয়ের বিধুমুখ হেরি দিবানিশি !

ইতি শ্রীবীরাঙ্গনাকাব্যে জাহ্নবীপত্রিকা নাম

নবমঃ সর্গঃ ।

## দশম সর্গ

### পুরুরবার প্রতি উর্কশী

[ চন্দ্রবংশীয় বাজা পুরুববা কোন সময়ে কেশী নামক দৈত্যের হস্ত হইতে উর্কশীকে উদ্ধার করেন। উর্কশী বাজার কপলাবণ্যে মোহিত হইয়া তাঁহাকে এই নিম্নলিখিত পত্রিকাখানি লিখিয়াছিলেন। পাঠকবর্গ কবি কালিদাসরূত বিক্রমোর্কশী নাম ত্রোটক পাঠ করিলে, ইহাব সবিশেষ বৃত্তান্ত জানিতে পাবিবেন। ]

স্বর্গচ্যুত আজি, রাজা, তব হেতু আমি !—

গত রাত্রে অভিনিম্ন দেব-নাট্যশালে

লক্ষ্মীস্বয়ম্বর নাম নাটক ; বারুণী

সাজিল মেনকা ; আমি অম্বোজা ইন্দির।

কহিলা বারুণী,—‘দেখ নিরখি চৌদিকে,

বিধুমুখি ! দেবদল এই সভাতলে ;

বসিয়া কেশব ওই ! কহ মোরে, শুনি,

কার প্রতি ধায় মনঃ ?’—গুরুশিক্ষা ভুলি,

আপন মনের কথা দিয়া উত্তরিমু—

‘রাজা পুরুরবার প্রতি !’—হাসিলা কৌতুকে

মহেন্দ্র ইন্দ্রাগী সহ, আর দেব যত ;

চারি দিকে হাস্তধ্বনি উঠিল সভাতে !

সরোষে ভরতঋষি শাপ দিলা মোরে ।

শুন, নরকুলনাথ ! কহিমু যে কথা

মুক্তকণ্ঠে কালি আমি দেবসভাতলে,

কহিব সে কথা আজি—কি কাজ শরমে ?—

কহিব সে কথা আজি তব পদযুগে ! .

যথা বহে প্রবাহিনী বেগে সিঙ্কুনীরে,  
অবিরাম ; যথা চাহে রবিচ্ছবি পানে  
স্থির আঁখি সূর্য্যমুখী ; ও চরণে রত  
এ মনঃ !—উর্ব্বশী, প্রভু, দাসী হে তোমারি !

২০

ঘৃণা যদি কর, দেব, কহ শীঘ্র, শুনি ।  
অমরা অঙ্গরা আমি, নারিব ত্যজিতে  
কলেবর ; ঘোর বনে পশি আরস্তিব  
তপঃ তপস্বিনীবেশে, দিয়া জলাঞ্জলি  
সংসারের সুখে, শূর ! যদি কৃপা কর,  
তাও কহ ; যাব উড়ি ও পদ-আশ্রয়ে,  
পিঞ্জর ভাঙিলে উড়ে বিহঙ্গিনী যথা  
নিকুঞ্জে ! কি ছার স্বর্গ তোমার বিহনে ?

২৫

শুভক্ষণে কেশী, নাথ, হরিল আমারে  
হেমকূটে ! এখনও বসিয়া বিরলে  
ভাবি সে সকল কথা ! ছিনু পড়ি রথে,  
হায় রে, কুরঙ্গী যথা ক্ষত অস্ত্রাঘাতে !  
সহসা কাঁপিল গিরি ! শুনিহু চমকি  
রথচক্রধ্বনি দূরে শতশ্রোতঃ সম !

৩০

শুনিহু গম্ভীর নাদ—‘অরে রে দুর্মতি,  
মুহূর্ত্তে পাঠাব তোরে শমনভবনে,—  
প্রতিনাদরূপে কেশী নাদিল ভৈরবে !  
হারাইহু জ্ঞান আমি সে ভীষণ স্বনে !

৩৫

পাইহু চেতন যবে, দেখিহু সম্মুখে  
চিত্রলেখা সখী সহ ও রূপমাধুরী—  
দেবী মানবীর বাঞ্জা ! উজ্জ্বল দেখিহু  
দ্বিগুণ, হে গুণমণি, তব সমাগমে  
হেমকূট হৈমকান্তি—রবিকরে যেন !

৪০

রহিমু মুদিয়া আঁখি শরমে, নুমণি ; ৪৫  
 কিন্তু এ মনের আঁখি মীলিল হরষে,  
 দিনান্তে কমলাকান্তে হেরিলে যেমতি  
 কমল ! ভাসিল হিয়া আনন্দ-সলিলে !

চিত্রলেখা পানে তুমি কহিলা চাহিয়া,—  
 'যথা নিশা, হে রূপসি, শশীর মিলনে ৫০  
 তমোহীনা ; রাত্রিকালে অগ্নিশিখা যথা  
 ছিন্নধুমপুঞ্জ-কায়া ; দেখ নিরখিয়া,  
 এ বরাক্ষ বরকুচি রিচ্যমান এবে  
 মোহান্তে ! ভাঙিলে পাড়, মলিনসলিলা  
 হয়ে ক্ষণ, এইরূপে বহেন জাহুবী ৫৫

আবার প্রসাদে, শুভে !—আর যা কহিলে,  
 এখনো পড়িলে মনে বাখানি, নুমণি,  
 রসিকতা ! নরকুল ধন্য তব গুণে !  
 এ পোড়া হৃদয় কম্পে কম্পমান দেখি  
 মন্দারের দাম বক্ষে, মধুচ্ছন্দে তুমি ৬০

পড়িলা যে শ্লোক, কবি, পড়ে কি হে মনে ?  
 ত্রিয়মাণ জন যথা শুনে ভক্তিভাবে  
 জীবনদায়ক মন্ত্র, শুনিল উর্ব্বশী,  
 হে সুধাংশু-বংশ-চূড়, তোমার সে গাথা !  
 সুরবালা-মনঃ তুমি ভুলালে সহজে, ৬৫  
 নররাজ ! কেনই বা না ভুলাবে, কহ ?—

সুরপুর-চির-অরি অধীর বিক্রমে  
 তোমার, বিক্রমাদিত্য ! বিধাতার বরে,  
 বজ্রীর অধিক বীর্য্য তব রণস্থলে !  
 মলিন মনোজ লাজে ও সৌন্দর্য্য হেরি ! ৭০  
 তব রূপগুণে তবে কেন না মজ্জিবে .

সুরবালা ? শুন, রাজা ! তব রাজবনে  
স্বয়ম্বরবধু-লতা বরে সাধে যথা

রসালে, রসালে বরে তেমতি নন্দনে

স্বয়ম্বরবধু-লতা ! রূপগুণাধীনা

৭৫

নারীকুল, নরশ্রেষ্ঠ, কি ভবে কি দিবে—

বিধির বিধান এই, কহিহু তোমারে !

কঠোর তপস্যা নর করি যদি লভে

স্বর্গভোগ ; সর্ব অগ্রে বাঞ্ছে সে ভুঞ্জিতে

যে স্থির-যৌবন-সুখা—অর্পিব তা পদে ।

৮০

বিকাইব কায়মনঃ উভয়, নৃমণি,

আসি তুমি কেন দৌহে প্রেমের বাজারে !

উর্ব্বীধামে উর্ব্বশীরে দেহ স্থান এবে,

উর্ব্বীশ ! রাজস্ব দাসী দিবে রাজপদে

প্রজ্ঞাভাবে নিত্য যত্নে । কি আর লিখিব ?

৮৫

বিষের ঔষধ বিষ,—শুনি লোকমুখে ।

মরিতেছিহু, নৃমণি, জ্বলি কামবিষে,

তেঁই শাপবিষ বুঝি দিয়াছেন ঋষি,

কৃপা করি ! বিজ্ঞ তুমি, দেখ হে ভাবিয়া !

দেহ আঞ্জা, নরেশ্বর, সুরপুর ছাড়ি

৯০

পড়ি ও রাজীব-পদে, পড়ে বারিধারা

যথা, ছাড়ি মেঘাশ্রয়, সাগর আশ্রয়ে,—

নীলাম্বুরাশির সহ মিশিতে আমোদে !

লিখিহু এ লিপি বসি মন্দাকিনী-তীরে

নন্দনে । ভূমিষ্ঠভাবে পূজিয়াছি, প্রভু,

৯৫

কল্পতরুবরে, কয়ে মনের বাসনা ।

সুপ্রফুল্ল ফুল দেব পড়িয়াছে শিরে !

বীচিরষে হরপ্রিয়া শ্রবণ-কুহরে

আমার কহেন—‘তুই হবি ফলবতী ।’  
 এ সাহসে, মহেষ্ণাস, পাঠাই সকাশে  
 পত্রিকা-বাহিকা সখী চারু-চিত্রলেখা ।  
 থাকিব নিরখি পথ, স্থির-অঁখি হয়ে  
 উত্তরার্থে, পৃথীনাথ !—নিবেদনমিতি !

১০৮

ইতি শ্রীবীরাক্ষনাকাব্যে উর্ধ্বলীপত্রিকা নাম  
 দশমঃ সর্গঃ ।



## একাদশ সর্গ

### নীলধ্বজের প্রতি জনা

[ মাহেশ্বরী পুত্রী যুববাজ প্রবীৰ অশ্বমেধ-যজ্ঞাশ্ব ধবিলে,—পার্থ তাহাকে বণে নিহত করেন । বাজা নীলধ্বজ বায় পার্থের সহিত বিবাদপবাসুখ হইয়া সন্ধি করাত, বাজী জনা পুত্রশোকে একান্ত কাতবা হইয়া এই নিম্নলিখিত পত্রিকাখানি বাজসমীপে প্রেবণ কবেন । পাঠকবর্গ মহাভারতীয় অশ্বমেধপর্ক পাঠ কবিলে ইহাব সবিশেষ বৃত্তান্ত অবগত হইতে পারিবেন । ]

বাজিছে রাজ-তোরণে রণবাদ্য আজি ;  
হেষে অশ্ব ; গর্জে গজ ; উড়িছে আকাশে  
রাজকেতু ; মুহুমূহুঃ হুঙ্কারিছে মাতি  
রণমদে রাজসৈন্য ;—কিন্তু কোন্ হেতু ?  
সাজিছ কি, নররাজ, যুঝিতে সদলে—

৫

প্রবীর পুত্রের মৃত্যু প্রতিবিধিৎসিতে,—  
নিবাইতে এ শোকাগ্নি ফাল্গুনীর লোহে ?  
এই তো সাজে তোমারে, ক্ষত্রমণি তুমি,  
মহাবাহু ! যাও বেগে গজরাজ যথা  
যমদণ্ডসম গুণ্ড আফালি নিনাদে !

১০

টুট কিরীটীর গর্ব আজি রণস্থলে !  
খণ্ডযুগু তার আন শূল-দণ্ড-শিরে !  
অন্ডায় সমরে মূঢ় নাশিল বালকে ;  
নাশ, মহেষাস, তারে ! ভুলিব এ জালা,  
এ বিষম জালা, দেব, ভুলিব সখরে ।

১৫

জন্মে মৃত্যু ;—বিধাতার এ বিধি জগতে ।  
ক্ষত্রকুল-রত্ন পুত্র প্রবীর স্মৃতি,  
সম্মুগ্ধসমরে পড়ি, গেছে স্বর্গধামে,—

কি কাজ বিলাপে, প্রভু ? পাল, মহীপাল,  
ক্ষত্রধর্ম, ক্ষত্রকর্ম সাধ ভুজবলে ।

২০

হায়, পাগলিনী জনা ! তব সভামাঝে  
নাচিছে নর্তকী আজি, গায়ক গাইছে,  
উথলিছে বীণাধনি ! তব সিংহাসনে  
বসিছে পুত্রহা রিপু—মিত্রোত্তম এবে !  
সেবিছ যতনে তুমি অতিথি-রতনে ।—

২৫

কি লজ্জা ! ছুঃখের কথা, হায়, কব কারে ?  
হতজ্ঞান আজি কি হে পুত্রের বিহনে,  
মাহেশ্বরী-পুরীশ্বর নীলধ্বজ রথী ?

যে দারুণ বিধি, রাজা, আঁধারিলা আজি  
রাজ্য, হরি পুত্রধনে, হরিলা কি তিনি

৩০

জ্ঞান তব ? তা না হলে, কহ মোরে, কেন  
এ পাষণ্ড পাণ্ডুরথী পার্থ তব পুরে

অতিথি ? কেমনে তুমি, হায়, মিত্রভাবে  
পরশ সে কর, যাহা প্রবীরের লোহে  
লোহিত ? ক্ষত্রিয়ধর্ম এই কি, নৃমণি ?

৩৫

কোথা ধনু, কোথা তুণ, কোথা চর্ম, অসি ?  
না ভেদি রিপুর বন্ধ তীক্ষ্ণতম শরে

রণক্ষেত্রে, মিষ্টালাপে তুঘিছ কি তুমি  
কর্ণ তার সভাতলে ? কি কহিবে, কহ,

যবে দেশ-দেশান্তরে জনরব লবে

৪০

এ কাহিনী,—কি কহিবে ক্ষত্রপতি যত ?

নরনারায়ণ-জ্ঞানে, শুনিমু, পূজিছ  
পার্শ্বে রাজা, ভক্তিভাবে ;—এ কি ভ্রাস্তি তব ?  
হায়, ভোজবালা কুস্তী—কে না জানে তারে,  
শৈরিণী ? তনয় তার জারজ অর্জুনে

৪৫

( কি লজ্জা, ) কি গুণে তুমি পূজ, রাজরথি,  
 নরনারায়ণ-স্তানে ? রে দারুণ বিধি,  
 এ কি লীলাখেলা তোর, বুঝিব কেমনে ?  
 এক মাত্র পুত্র দিয়া নিলি পুনঃ তারে  
 অকালে ! আছিল মান,—তাও কি নাশিলি ? ৫০

নরনারায়ণ পার্থ ? কুলটা যে নারী—  
 বেশ্যা—গর্ভে তার কি হে জনমিলা আসি  
 হ্রষীকেশ ? কোন্ শাস্ত্রে, কোন্ বেদে লেখে—  
 কি পুরাণে—এ কাহিনী ? দ্বৈপায়ন ঋষি  
 পাণ্ডব-কীর্তন গান গায়েন সতত । ৫৫

সত্যবতীশূত ব্যাস বিখ্যাত জগতে !  
 ধীবরী জননী, পিতা ব্রাহ্মণ ! করিলা  
 কামকেলি লয়ে কোলে ভ্রাতৃবধুদ্বয়ে  
 ধর্মমতি ! কি দেখিয়া, বুঝাও দাসীরে,  
 গ্রাহ্য কর তাঁর কথা, কুলাচার্য্য তিনি ৬০

কু-কুলের ? তবে যদি অবতীর্ণ ভবে  
 পার্থরূপে পীতাম্বর, কোথা পদ্মালয়া  
 ইন্দ্রিরা ? জ্রৌপদী বুঝি ? আঃ মরি, কি সতী !  
 শাশুড়ীর যোগ্য বধু ! পৌরব-সরসে  
 নলিনী ! অলির সখী, রবির অধীনী, ৬৫

সমীরণ-প্রিয়া ! ধিক্ ! হাসি আসে মুখে,  
 ( হেন দুঃখে ) ভাবি যদি পাঞ্চালীর কথা !  
 লোক-মাতা রমা কি হে এ ভ্রষ্টা রমণী ?

জানি আমি কহে লোক রথীকুল-পতি  
 পার্থ । মিথ্যা কথা, নাথ ! বিবেচনা কর, ৭০  
 সূক্ষ্ম বিবেচক তুমি বিখ্যাত জগতে ।—  
 ছদ্মবেশে লক্ষ রাজে ছলিল দুর্মতি

স্বয়ম্বরে । যথাসাধ্য কে যুঝিল, কহ,  
 ব্রাহ্মণ ভাবিয়া তারে, কোন্ ক্ষত্ররথী,  
 সে সংগ্রামে ? রাজদলে তেঁই সে জিতিল ! ৭৫  
 দহিল খাণ্ডব ছুষ্ঠ কৃষ্ণের সহায়ে ।

শিখণ্ডীর সহকারে কুরুক্ষেত্র রণে  
 পৌরব-গৌরব ভীষ্ম বৃদ্ধ পিতামহে  
 সংহারিল মহাপানী ! দ্রোণাচার্য্য গুরু,—  
 কি কুছলে নরাধম বধিল তাঁহারে, ৮০

দেখ স্মরি ? বসুন্ধরা গ্রাসিলা সরোষে  
 রথচক্রে যবে, হায় ; যবে ব্রহ্মশাপে  
 বিকল সমরে, মরি, কর্ণ মহাযশাঃ,  
 নাশিল বর্ক্বর তাঁরে । কহ মোরে, শুনি,  
 মহারথী-প্রথা কি হে এই, মহারথি ? ৮৫

আনায়-মাঝারে আনি যুগেন্দ্রে কৌশলে  
 বধে ভীকুচিত ব্যাধ ; সে যুগেন্দ্র যবে  
 নাশে রিপু, আক্রমে সে নিজ পরাক্রমে ।

কি না তুমি জান রাজা ? কি কব তোমারে ?  
 জানিয়া শুনিয়া তবে কি ছলনে ভুল ৯০

আত্মপ্লাঘা, মহারথি ? হায় রে কি পাপে,  
 রাজ-শিরোমণি রাজা নীলধ্বজ আজি  
 নতশির,—হে বিধাতঃ !—পার্শ্বের সমীপে ?

কোথা বীরদর্প তব ? মানদর্প কোথা ?  
 চণ্ডালের পদধূলি ব্রাহ্মণের ভালে ? ৯৫

কুরঙ্গীর অশ্রুবারি নিবায় কি কভু  
 দাবানলে ? কোকিলের কাকলী-লহরী  
 উচ্চনাদী প্রভঞ্জে নীরবয়ে কবে ?

ভীকুতার সাধনা কি মানে বলবাহু ?

কিন্তু বৃথা এ গঞ্জনা । গুরুজন তুমি ; ১০০  
 পড়িব বিষম পাপে গঞ্জিলে তোমারে ।  
 কুলনারী আমি, নাথ, বিধির বিধানে  
 পরাধীনা ! নাহি শক্তি মিটাই স্ববলে  
 এ পোড়া মনের বাঞ্ছা ! ছরন্ত ফাল্গুনী  
 ( এ কৌশ্লেয় যোধে ধাতা সৃজিলা নাশিতে ১০৫  
 বিশ্বসুখ ! ) নিঃসন্তানা করিল আমারে !  
 তুমি পতি, ভাগ্যদোষে বাম মম প্রতি  
 তুমি ! কোন্ সাধে প্রাণ ধরি ধরাধামে ?  
 হায় রে, এ জনাকীর্ণ ভবস্থল আজি  
 বিজন জনার পক্ষে ! এ পোড়া ললাটে ১১০  
 লিখিলা বিধাতা যাহা, ফলিল তা কালে !—

হা প্রবীর ! এই হেতু ধরিনু কি তোরে,  
 দশ মাস দশ দিন নানা যত্ন সয়ে,  
 এ উদরে ? কোন্ জন্মে, কোন্ পাপে পাপী  
 তোর কাছে অভাগিনী, তাই দিলি বাছা, ১১৫  
 এ তাপ ? আশার লতা তাই রে ছিঁড়িলি ?  
 হা পুত্র ! শোধিলি কি রে তুই এইরূপে  
 মাতৃধার ? এই কি রে ছিল তোর মনে ?—

কেন বৃথা, পোড়া আঁখি, বরষিস্ আজি  
 বারিধারা ? রে অবোধ, কে মুছিবে তোরে ? ১২০  
 কেন বা জ্বলিস, মনঃ ? কে জুড়াবে আজি  
 বাক্য-সুধারসে তোরে ? পাণ্ডবের শরে  
 খণ্ড শিরোমণি তোর ; বিবরে লুকায়ে,  
 কাঁদি খেদে, মর, অরে মণিহারা ফণি !—

যাও চলি, মহাবল, যাও কুরুপুরে ১২৫  
 নব মিত্র পার্শ্ব সহ ! মহাযাত্রা করি

ଚଳିଲ ଅଭାଗା ଜନା ପୁତ୍ରର ଉଦ୍ଦେଶେ !  
 କ୍ଷତ୍ର-କୁଳବାଲା ଆମି ; କ୍ଷତ୍ର-କୁଳ-ବଧୁ ;  
 କେମନେ ଏ ଅପମାନ ସବ ଦୈର୍ଘ୍ୟା ଧରି ?  
 ଛାଡ଼ିବ ଏ ପୋଡ଼ା ପ୍ରାଣ ଜାହୁବୀର ଜଳେ ; ୧୩୦  
 ଦେଖିବ ବିନ୍ଧୁତି ଯଦି କୃତାନ୍ତନଗରେ  
 ଲଭି ଅସ୍ତେ ! ଯାଚି ଚିର ବିଦାୟ ଓ ପଦେ !  
 ଫିରି ଯବେ ରାଜପୁରେ ଶ୍ରବେଶିବେ ଆସି,  
 ନରେନ୍ଦ୍ର, “କୋଥା ଜନା ?” ବଳି ଡାକ ଯଦି,  
 ଉତ୍ତରିବେ ପ୍ରତିକ୍ଷଣି “କୋଥା ଜନା ?” ବଳି ! ୧୩୧

ଇତି ଶ୍ରୀବୀରାଜନାକାବ୍ୟେ ଜନାପତ୍ରିକା ନାମ  
 ଏକାଦଶଃ ସର୍ଗଃ ।

## পরিশিষ্ট

বীবাঙ্গনা কাব্য ২১ খানি পত্রিকা বা সর্গে সম্পূর্ণ করিবার ইচ্ছা মধুসূদনের ছিল। ১১ খানি পত্রিকা প্রকাশ করিবার পর তিনি আবও কয়েকটি পত্রিকা বচনায় হাত দিয়াছিলেন, কিন্তু কোনটিই সম্পূর্ণ হয় নাই। সেই অসম্পূর্ণ পত্রিকাগুলি নিয়ে মুদ্রিত হইল।

### দ্বতরাষ্ট্রের প্রতি গান্ধারী

জন্মান্ন নৃমণি ! তুমি এ বারতা পেয়ে  
দূতমুখে, অন্ধা হ'লো গান্ধারী কিঙ্করী  
আজি হ'তে। পতি তুমি ; কি সাথে ভুঞ্জিব  
সে সুখ, যে সুখভোগে বঙ্কিলা বিধাতা  
তোমারে, হে প্রাণেশ্বর ! আনিতেছে দাসী  
কাপড়, ভাঁজিয়া তাহে, সাত বার বেড়ি  
অন্ধিব এ চক্ষু ছুটি কঠিন বন্ধনে,  
ভেজাইব দৃষ্টি-দ্বারে কবাট। ঘটিল,  
লিখিলা বিধি যা ভালে—আরুপ না করি ;  
করিলে, ত্যজিব কেন রাজ-অট্টালিকা,  
যাইতে যথায় তুমি দূর হস্তিনাতে ?  
দেবদেবেশে নরবর বরেছি তোমারে।

\* \* \* \*

আর না হেরিবে কভু দেব বিভাবসু  
তব বিচারাপি দাসী এ ভবমণ্ডলে ;  
তুমিও বিদায় কর, হে রোহিণীপতি,  
চারু চন্দ্র ; তারা-বৃন্দ তোমরা গো সবে।

আর না হেরিব কভু সখীদলে মিলি  
 প্রদোষে তোমা সকলে, রশ্মিবিম্ব যেন  
 অম্বরসাগরে, কিন্তু স্থিরকাস্তি ; যবে  
 বহেন মলয়ানিল গহন বিপিনে  
 বাসুকির ফণারূপ পর্য্যঙ্কে সুন্দরী—  
 বসুকরা, যান নিদ্রা নিঃশ্বাসি সোরভে ।  
 হে নদ তরঙ্গময়, পবনের রিপু  
 ( যবে ঝড়াকারে তিনি আক্রমেন তোমা )  
 হে নদি, পবনপ্রিয়া, সুগন্ধের সহ  
 তোমার বদন আসি চুম্বেন পবন,  
 হে উৎস গিরি-তুহিতা জননী মা তুমি ;  
 নদ, নদী, আশীর্বাদ কর এ দাসীরে ।  
 গাঙ্কার-রাজনন্দিনী অঙ্কা হলো আজি ।  
 আর না হেরিবে কভু হায় অভাগিনী  
 তোমাদের প্রিয়মুখ । হে কুসুমকুল,  
 ছিন্থ তোমাদের সখী, ছিন্থ লো ভগিনী,  
 আজি স্নেহহীন হয়ে ছাড়িন্থ সবারে ;  
 স্নেহহীন এ কি কথা ? ভুলিতে কি পারি  
 তোমা সবে ? স্মৃতিশক্তি যত দিন রবে  
 এ দেহে, স্মরিব আমি তোমা সবাকারে ।

### অনিরুদ্ধের প্রতি উষা

বাণ-পুরাধিপ বাণ-দানব-নন্দিনী  
 উষা, কৃতান্তলিপুটে নমে তব পদে,  
 যত্নবর ! পত্রবাহ চিত্রলেখা সখী—  
 দেখা যদি দেহ, দেব, কহিবে বিরলে ।  
 প্রাণের রহস্যকথা প্রাণের ঈশ্বরে !



অকুল পাথারে নাথ, চিরদিন ভাসি  
 পাইয়াছি কুল এবে ! এত দিনে বিধি  
 দিয়াছেন দিন আজি দীন অধীনীরে !  
 কি কহিছু ? ক্ষম দেব, বিবশা এ দাসী  
 হরষে, সরষে যথা হ্রাসে কুমুদিনী,  
 হেরিয়া আকাশদেশে দেব নিশানাথে  
 চিরবাঞ্জা ; চাতকিনী কুতুকিনী যথা  
 মেঘের স্তম্ভাম মূর্ত্তি হেরি শূন্যপথে ।  
 তেমতি এ পোড়া প্রাণ নাচিছে পুলকে,  
 আনন্দজনিত জল বহিছে নয়নে ।  
 দিয়াছি আদেশ নাথ সঙ্গিনী-সমূহে,  
 গাইছে মধুর গীত, মিলি তারা সবে  
 বাজায় বিবিধ যন্ত্র । উষার হৃদয়ে  
 আশালতা আজি উষা রোপিবে কৌতুকে  
 শুন এবে কহি দেব, অপূর্ব্বকাহিনী ।

### যযাতির প্রতি শাস্তি

দৈত্যকুল-রাজবালা শাস্তি স্বন্দরী  
 বলিতে সোহাগে যারে, নরকুলরাজা  
 তুমি, হে যযাতি, আজি ভিখারিণী হ'ল,  
 ভবসুখে ভাগ্যদোষে দিয়া জলাঞ্জলি ।  
 দাবানলে দগ্ধ হেরি বন-গৃহ, যথা  
 কুরঙ্গী শাবক সব সঞ্চে লয়ে চলে,  
 না জানে আবার কোথা আশ্রয় পাইবে  
 হে রাজন্ ! শিশুত্রয় লয়ে নিজ সাথে  
 চলিল শাস্তি-দাসী কোথায় কে জানে

আশ্রয় পাইবে তারা ? মনে রেখ তুমি ।  
 নয়নের বারি পড়ি ভিজিতে লাগিল  
 আঁচল, বুঝিয়া তবু দেখ প্রাণপতি,  
 কে তুমি, কে আমি নাথ, কি হেতু আইলু  
 দাসীরূপে তব গৃহে রাজবালা আমি ?  
 কি হেতু বা থেকে গেছ তোমার সদনে,  
 দৈত্যকুল-রাজবালা আমি দাসীরূপে ।

### নারায়ণের প্রীতি লক্ষ্মী

আর কত দিন, সৌরি, জলধির গৃহে  
 কাঁদিয়ে অধীনী রমা, কহ তা রমারে ।  
 না পশে এ দেশে নাথ, রবিকররাশি,  
 না শোভেন সুধানিধি সুধাংশু বিতরি ;  
 স্থিরপ্রভা ভাবে নিত্য ক্ষণপ্রভা রূপী ।  
 বিভা, জন্মি রত্নজালে উজলয়ে পুরী ।  
 তবুও, উপেন্দ্র, আজ ইন্দ্রিরা দুঃখিনী ।  
 বাম দামোদর ; তুমি লয়েছ হে কাড়ি  
 নয়নের মণি তার পাদপদ্ম তব ।  
 ধরি এ দাসীর কর ও কর-কমলে  
 কহিলে দাসীরে যবে হে মধুরভাষী,  
 “যাও প্রিয়ে, বৈনতেয় কৃতাঞ্জলিপুটে—  
 দেখ দাঁড়াইয়া ওই ; বসি পৃষ্ঠাসনে  
 যাও সিন্ধুতীরে আজি ।” হয় ! না জানিলু  
 হইলু বৈকুণ্ঠচ্যুত দুর্বাসার রোষে ।

## নলের প্রতি দময়ন্তী

পঞ্চ দেবে বঞ্চ সাধে স্বয়ম্বর-স্থলে  
পূজিল রাজীব-পদ তব যে কিঙ্করী,  
নরেন্দ্র, বিজন বনে অর্দ্ধ বস্ত্রাবৃত্তা  
তাজিলে তুমি হে যারে, না জানি কি দোষে,  
নমে সে বৈদর্ভী আজি তোমার চরণে ।

---

## পাঠভেদ

মাইকেলের জীবিতকালে 'বীরঙ্গনা কাব্যে'র তিনটি সংস্করণ প্রকাশিত হইয়াছিল। এই তিনটি সংস্করণের পাঠভেদ নিম্নে দেওয়া হইল।

সর্গ	পংক্তি	প্রথম সংস্করণ	দ্বিতীয় সংস্করণ	তৃতীয় সংস্করণ
১	২৭	ফুলকূলে	ফুলকূলে	ফুলপুঞ্জ
	৩৩	অধীন	অধীন	অধীনে
	১০৮	হায় বে,	হায় বে,	কে কবে,
	১০৯	কাতাবে ?	কাতাবে ?	তা কাবে ?
	১৪৭	এমনে	এমনে	এ মনে
২	৬২	মত্তা	মত্তা	মার্তি
	১২৪	যদি	যদি	যবে
৪	১	আজি	আজ	আজ
	১৭৯	ধস্ম-কস্মে বত	ধস্ম-কস্ম বত	ধস্ম-কস্ম বত
৫	১৭	ত্যজি তুমি	ত্যজি তুমি	ত্যজিলা হে
	৪১	বমাকূলে	বমাকূলে	বামাকূলে'
৬	৯৮	আমার	আমাব	মোব সে
৭	১২০	নির্বন্ধ	নির্বন্ধ	বাঁধন
৯	১৮	অষ্টপুত্র	অষ্টপুত্র	অষ্টশিশু
১০	৯২	আশাব	আশাব	আমার
	১০১	পত্রিকা-বাহিনী	পত্রিকা-বাহিনী	পত্রিকা-বাহিকা
১১	৩০	হবি পুত্রধনে, রাজ্য,	রাজ্য, হবি পুত্রধনে,	রাজ্য, হবি পুত্রধনে.

## দুৰূহ শব্দ ও বাক্যাংশের ব্যাখ্যা

বীণাঙ্গনা—এই শব্দ মধুসূদন মাত্র নাথিকা অর্থে প্রয়োগ করিয়াছেন। ‘চতুর্দশপদী  
কবিতাবলী’র উপক্রমে এই কাব্যের পরিচয়-প্রসঙ্গে মধুসূদন লিখিয়াছিলেন—

বিবচ-লেখন পবে লিখিল লেখনী

যাব, বীব জায়া-পক্ষে বীব পত্তি-গ্রামে ;

এই সম্পর্কে ভূমিকায় উদ্ধৃত মধুসূদনের পত্র দ্রষ্টব্য।

- ১ : ৭। মদকল—মত্ততার জন্ত মধুর অক্ষুট শব্দকারী।  
২২। প্রফুল্লিত—প্রফুল্ল ( মধুসূদনের প্রয়োগ ) ;  
৩৩। মধু—বসন্ত।  
৫৩। শিলীমুখ—ভ্রমর।  
৬২। গীতিকা—গান, ছন্দোবদ্ধ নিপি।  
৮৫। অন্তরিত—অন্তর্গত, মনোগত।  
১১৪। দ্বিরদ—দুইটি দাঁত যাহার, হস্তী।  
১২৬। অমূল—অমূল্য।  
১৩৮। কলাধরে—চন্দ্রে।  
১৫২। পরাণ—“পরানে” সঙ্গত প্রয়োগ হইত।  
১৬০। চর—দূত, এখানে পত্রবাহক।
- ২ : ২৬। দিক্, বৃথা চিন্তা, তোবে—হে বৃথা চিন্তা, তোরে দিক্।  
৪২। মুগমদে—কস্তুরীকে।  
৫২। মধুরে—মধুকে, বসন্তকে।  
৬০। মূরঙ্গ—মুদঙ্গ।  
তুষকী—একতারা।  
৮২। অবচয়ি—চয়ন করিয়া।
- ৩ : ৪৮। বালে—বালককে।  
৫২। কাল নাগ—যম সদৃশ অর্থাৎ ভীষণ সর্প।  
৫৫। জলাসার—জলধারা, বৃষ্টিধারা।  
৭২। বরগুঞ্জমালা—সুন্দর কুঁচের মালা।  
৭৩। পীত ধড়া—পীত বসন।

- ৭৪ । ধ্বজবজ্রাক্ষুশ—ধ্বজ, বজ্র ও অক্ষুশ চিহ্ন, বিষ্ণুর চরণের চিহ্ন ।
- ৮৮ । শিখণ্ডি ( সন্দোধনে )—শিখণ্ডী, ময়ূর ।  
শিখণ্ড—ময়ূরপুচ্ছ ।  
মণ্ডে—মণ্ডিত কবে ।
- ১০৭ । বৈনতেয়—বিনতানন্দন, গরুড় ।
- ৪ : ১২ । পুরনারী-ব্রজ—পুরনারীগণ ।
- ১৪ । গায়কী—গায়িকা ( মধুসূদনের প্রয়োগ ) ।
- ২০ । বাঁঝরি—কাঁসর-জাতীয় বাণবিশেষ ।
- ৬৬ । পথী—পথিক ( মধুসূদনের প্রয়োগ ) ।
- ৮২ । বিতংস—পাথী ইত্যাদি ধরিবার ফাঁদ, জাল বা রজ্জু ।
- ১২২ । পিতৃ-মাতৃ-হীন পুত্রে—ভরতকে, পিতা মাতা বর্তমান থাকিতেও দুর্ভাগ্য  
ভরত মাতৃপিতৃহীনের তুল্য ।
- ৫ : ৬ । মঞ্জুকেশি ( সন্দোধনে )—সুকেশী ।
- ১৩ । বঞ্জুল—বেত ।  
মঞ্জুলে—কুঞ্জে । “বঞ্জুল-মঞ্জুলে” পাঠ সঙ্গত ।
- ৩২ । ভীমখণ্ডা—ভীষণ খাঁড়া ।
- ৩৮ । মণিঘোনি—মণির উৎপত্তিস্থল ।
- ৪৪ । কামরূপা—স্বচ্ছাক্রমে রূপধারিণী ।
- ৫১ । মাঝ—মেঝে ।
- ১৩১ । সম—যোগ্য ।
- ৬ : ৯ । দিবে—স্বর্গে ।
- ৮২ । বৈদভীর—বিদভরাজকণ্ঠার, দময়ন্তীর ।
- ৯২-৯৩ । বাহন ঠাঁহার... তাঁর আমি—মেঘকুলপতি যে ইন্দ্রের বাহন, আমি তাঁহার  
পুত্রবধু ।
- ১৪৬ । ঠাঁধা—অক্ষা ।
- ১৬৬ । কামদা—অভীষ্টদাত্রী ।
- ১৬৯ । কামধুকে—কামদাত্রী অর্থাৎ অভীষ্টদাত্রী অমরাবতীকে ।
- ১৯২ । মহেধাস—মহাধনুর্ধর ।
- ২০৯ । ভ্রাতৃ-ক্রয়ে—ভ্রাতা চারি জনকে হওয়া উচিত ছিদ্র ।

- ৭ : ৩৪ । গ্রহরী—গ্রহরণধারী ।  
 ৪২ । নীরবন্দ—“নীববিন্দু” হওয়া উচিত ছিল ।  
 ৪৫ । ক্ষমা দেহ—ক্ষান্ত হও । .  
 ৫৭ । আনায়—জাল ।  
 ৬৩ । রাধেয়—রাধাপুত্র, কর্ণ ।  
 ৬৬ । স্মৃতপুত্র—সারথিপুত্র, কর্ণ ।  
 ৭৬ । জিম্বু—বিজয়ী, অর্জুন ।  
 ৮৫ । বায়ুজ ধ্বজে—অর্জুনের রথে বায়ুজের ( বায়ুপুত্র হনুর ) মূর্তি অঙ্কিত  
 বলিয়া বায়ুজ ধ্বজে, কপিধ্বজ রথে ।  
 ৯৬ । উন্নদ—মত্ত ।  
 ১২৭ । মশান—শশান শব্দের অপভ্রংশ ।  
 ১৩৯ । কেন এ কুস্পদ, দেব,—“কেন এ কুস্পদ দেব” হওয়া উচিত ।
- ৮ : ১৭ । দূরদর্শী—হস্তিনায় বসিয়া কুরুক্ষেত্র-সমরাজ্ঞন দেখিতেছিলেন যিনি, সঞ্জয় ।  
 ৫৪-৫৫ । পাণ্ডু-গণ্ড...কোপে—হে নাথ, গাণ্ডীবীর কোপে ( কুরুবা তো বটেই,  
 এমন কি ) পাণ্ডবেরাও ত্রাসে পাণ্ডু-গণ্ড ।  
 ৭৩ । পূর্ককথা—জয়দ্রথ কর্তৃক দ্রৌপদীহরণের কথা ।  
 ৯৭ । পৌরব-পঙ্কজ-রবি—পৌরবরূপ পদ্মসমূহের রবি, ভীষ্ম ।  
 ৯৮ । বীর্ঘ্যাস্কুর—যাহার বীরত্ব স্ফটনোন্মুখ ।  
 ১৪৩ । মণিভদ্রে—পুত্র সুরথে ( কবিকল্পিত নাম ) ।
- ৯ : ১৬ । সাধে—ইচ্ছায় ।  
 ১৯ । সরোরুহ—পদ্ম ।
- ১০ : ৪ । অস্তোজা—জলজা, সমুদ্র হইতে উথিতা লক্ষ্মী ।  
 ৪৬ । মীলিল—উন্মীলিল, মেলিল ।  
 ৪৭ । কমলাকান্তে—( মুদ্রাকর-প্রমাদ ) কমল-কান্তে = সুর্য্যে ।  
 ৫৩ । রিচ্যমান—“রুচ্যমান” হইবে । শোভমান ।  
 ৫৬ । প্রসাদে—হবে, আনন্দে ।  
 ৮৩ । উর্কীধামে—পৃথিবীধামে ।  
 ৯২ । সাগর আশ্রয়—সাগর-আশ্রয় ।

- ১১ : ২ । হেষে = হ্রেষে ( মধুসূদনের প্রয়োগ ) ।  
৬ । প্রতিবিধিৎসিতে—প্রতিবিধান করিতে ।  
৩৬ । চক্ষু—ঢাল ।